

Ekalakunan Lopajan

Jeffersonville, Indiana, USA

60-1002

1 Eyalama Onac Neville. Isirereng ijo Edeke. Erai naejok noi abongun bobo, atupuruc na, abongun toma togo loka Ejakait. Eyuunit eong ebe aponi kotemarai, kapak adiopet, "Abu eong keyalamikin ne kalimokinere eong ebe, 'Kalototo toma togo loka Ejakait.'"

Charlie, kobia kinga kokau naka epir kangol, ikosodi adokun kuju ne kolem eicolong kanukon. Kobia kuju ne. Iinac, eicolong ejai kau toma ngina, nenice, ti oni kiridakin toma? Ejai aiboisit toma nepene, amucalat. Kobia kuju ne. Ne, Charlie, kobia ne kiboikin kosiep naka Banks kuju ne, tetere mam ijo inyoununei aibwo. Kanginiduc ne ebunia esapat ngol anyoun ko Kentucky, edoluni kuju ne, enyouni aibwo kanginitupuruc. Kasodete sio ayangaun nges kuju ne.

2 Aiboisit na kane, kangeset naka eicolong kalo, kanu icetunganan. [Kotemari Onac Neville, "Ejai aberu kau ne da."-Ekewa.] Ejai amucalat naebwoi kokau, kokau kangina. Kobia kuju ne. Eicolong lo kane, iinac, nape eyapie ne. Kobia iingaren. Ido awomit eong ebe ejai icetunganan oicolong loka ingwalasik ngol. Ejai tope? [Kotemari iinac ebe, "Onac Branham?"] Eebo. ["Ejai eicolong nepene."] Ejai eicolong nepene. Arai ejai yen ekoto eicolong, kau ngina kau, ejai eicolong nepene. [Kotemari onac, "Ido ejai ediopet ne, Onac Branham."] Ejai ediopet kuju ne, bobo, kodumutu ainapakin. [Ejai bobo ece ne."] Eebo. Ipedori ijo aiboikin toma kalo. Kwana, kobia jo abunere, kiboikinos. Ido kopuputu cut...

Ikoto isio yesi kinapaara kwape kitamitor ayaun Akirok naka Ejakait. Oo, erai cut naejok ajaut ne.

3 Mam eong aanyunit Charlie kane kolutari. Ngesi ejai kau ngina? Eebo, koyautu ngesi ne. Otukui! Ajaasi lem eong kede Charlie, kwap ngina, apaarasia adis nuatuboros, ido mam eong apedori atubor komam alosiit togoke kasodi ainyam, kanuka ngun alosi eong ayaun nges ne toma olutari, atupuruc na. kanginipak ebuni ngesi kuju ne, ebwoi nges kosiep naka arwatat kanen, kanu apalikin icetunganan eicolong. Kanuka ngun abu eong kangolek atupuruc nakalolo akasodi eong aanyun nges ebwoi kangina, abu eong kawomoom, "Aosi kwana eong-alosi kwana eong ayaun nges toma ne." Eebo, erai naejok. Kwana ibuni oni adumun aisiiraret atupuruc na kama ejai Onac Russell Cox. [Kosodi Onac Branham nepepe kede ekodet akieniar -Ekewa.] Aibo ejai Nellie? Eong...Eraun ngin alosit naejok kanuke. Aibo? Eebo. Erai kwangin.

4 Eebo, eyalama eong cut kanu aanyun ipapero luipu kokinga. Nasabiiti natubor neabu eong kanyounio, abu eong kapupi erono anatar esabiiti kere. Ajai eong kede epapero lokajokan loeboie kane, loabunit anyoun ko to, Onac West. Ido erimorit eong aitor okodet, eyapie apak, abu eong katema, "Eyalama eong aanyun *mutan ka mutan* kede *mutan ka mutan*," kasodi eong angolekin mama ajai Onac West, ido mam-mam eong abu kamisiik nges aitodol neageunia ngesi alosit kinga. Kasodi eong awomoom, esabiiti kere, "Ebuni Onac West awomoom ebe apeleikinit eong ainac nges." Konye erai ngesi-erai ngesi Ekristayot, kanuka ngun ejeni ngesi nuejokak aitelekar nen. Ejeni ngesi ebe eong...Epapero obe. Ido ajeni eong ebe ejeni ngesi, ebe mam ti eong keswama kwangin.

5 Ajai eong awomoomoi abuni aanyun itunga lueponito kotoma aiboisio nuegelegela atupuruc na. Kwana, Onac West lo ejai ne bobo, atupuruc naka lolo. Nepepe ka Onac ka Inac Kidd lu, lueponito ko Ohio. Kede ice kotoma...

Ajeni eong ebe ejai Onac Evans ne. Abu eong kalosite aanyun nges, bian paaran, kangina koteeri, konye awomit eong ebe elomunit ngesi kinga kede Onac Fred kede kes. Ido eponitos kesi anyoun ko Macon, Georgia, kane, kanginisabiiti neenerar eong. Anyoun ko Macon, Georgia, erai ngol erot loewoja anyoun kokwap kangina. Erai bala amairon akwatakanyikauni, kadepar aomit eong, kwap ngina. Aiteker emotoka konapite luka okaleke, kanginipak naenerar eong. Ido erai ngin abilakina.

6 Ido ajai eong-ajai eong awomoomoi, oo, kanuka ngun, arai ajatatar eong kede ipapero luka eipone kangol, luekotosi aibwo kede jo! Kwana, erai...Mam itunga ngun epote anyoun ko Georgia, ka Ohio, kede aiboisio nuegelegela nuka akwap, abunore okanisa lo, kanu aiirar kama ajai eong. Epote kesi ne naarai iyunitos kesi Aisiiraret ngin. Kanuka ngun epone bo do ali ibusakinitor eong araut loenera abeit ido kepiororoi kanuikamunitos Aisiiraret ngin! Naarai, mere-mere eong elopet bon, ajai toma aibucar, konye ajaun do eong aingarenikin icetunganan da bobo toma apaar. Iany? Kanuka ngun elosi Edeke aiting eong kwape loekamunitos akiro kanu aibucar naka itunga kangul, naarai eong nges abu kalimonok ngun. Iany?

Ido mere eong kalimoki yes, kotoma abeit einakini ngin ijo ageun awomoom nuidulokina ne ijaar ijo awomoom akiro kwanat kangun. Kanuka ngun esialamikinit eong nginidiopet kayesi, erai naejok ajenun ebe ipotu yesi kokerata akwat nuka amairon korotin kangul lueroko kiton nejaas irotin lukapolok ngul, ne ejaas akangasia kede iboro kere. Aiyuunikus mama ejai Edeke nges itutubi yesi nen, kecepone, eyauni yesi ne kosodi ainyakar yes. Iyalama sio kanu ajaut kede ipapero luka eipone kangol. Elipi eong arerengusio nuka Edeke mama ijaas yesi kabarara.

7 Kwana, Nasabiiti natubor, abu eong-eong katema, "Eebo, kilosi oni einer, kasodi do eong anyaraun itunga kanu ailipanakin." Ajai lem eong atamit aswam koipone ece, aitam adumun eipone lokilipanakin

itunga lluyatakina. Ido arai kelipanak eong luyatakina kwa kaNasabiiti natubor. Eong...Ejaun icetunganan ilipi kanuka. Abu eong kanyou kane, nepetai kosawan ikanyikauni. Ido mam eong-eong abu kakora akaadin nuka ailip.

Akoranar akaadin erai aswam naekekes. Mam eong ajeni arai ijenete yesi da ngun, araibo mam, engarunete ijo itunga. Ido abu Onac Banks Wood kotema, kapaaran kaya, kwape kijaar kwap ngina Kentucky, ebe ti nges keinakin do toma akoranar akaadin karai komam Billy elomunit toma. Kanuka ngun kwape eraar Billy okokuka obe, ijeni bo jo, kanukinyo, kesi...Adumuni eong ibaluan luikidioko, "Abu ngesi kisumunite eong akaadi naka ailip ido mam abu koinak eong. Imir yenididi!" Kanuka ngun kesi...Mam nges epedori akorakin ngitunganan kere akaadi. Ido mam sio kipedori ayaun itunga luipu noi toma okokoro! Iany? Ejai nges ayuarit eong.

8 Ido-ido na kinyounio isio, abu aberu kesapataka kotema, "Bill, ejai ijo ainyakar Billy toma angina kede akaadin nuka ailip, arai mam," ebalala ebe, "Mam ijo ibuni adaun apak naewoj."

Ido, kanuka ngun, neabu eong keswamauna aibucaret, nges ageun amisiinikin aiyeiyea nakotauon luka itunga, kosodi icetunganan abongun, ebalala ebe, "Kemurwokinit eong, akoto toto ailipakinio." Ijeni ijo ibore ebongunitotor kesi, erai kanuka aijanakin ngin naka amisiinikin aiyeiyea nakotauon luka itunga, itei jo. Konye, mam eong etoroni kes. Ti eong da keswama ibore ngipengin. Iany? Ti eong keswama i...Irai oni itunga, ido ikoto oni kere aijar, ido ikoto oni ajenun nukiswama. Ngun nges kirai oni...Konye ipedori ijo adolere nelwana kede iboro ngun, ijo, loka ainakinet, kosodi ijo ailotar kere, neiswamaunotor ngun irwan aarei.

Kanuka ngun abeit Onac Banks akorar akaadin nuka ailip atupuruc na, kobuni bodo Billy da akuare ya. Kanuka ngun abu eong kawomoom ebe eraun ngin naerono, kanu aijaikin etunganan loejaatar kajenaara naejok, iboro bala Onac Wood, akoranakin akaadin nuka ailip, ainakin itunga aridakin nges. Awomit eong ebe Billy mam epodokinit. Adau lem ngesi anaikin aridakinio naka itunga kama ejai ngesi adaun apak naepol, kanuka ngun epaluni ngesi apalun. Mam ace.

9 Kwana-kwana esabiiti loetupakini lo ebeit eong ajaut Dallas, akuare naka Naikanyet naebunit na, atukonokin ngin naka Voice Of Healing. Arai ejaas icetunga ngina, ebeit eong ajaun ngina kanu akuare kangin, einer kotoma atukonokinkec. Ido akoto eong einer kotoma akou naka akirot na ebe, Eipone Lodolokinet Eidicane, arai itojok Ejakait.

Kosodi konye, aticepak Nasabiiti naetupakini, eraun ngin Nasabiiti naebunit, arai itojok Ejakait. Kwana, mam eong ajeni ejok cut. Arai itojok Ejakait, akoto eong abongun kasodi alimonokin kotoma akou naka akirot na abeit ti eong alimonokin lolo, Ekwam Lokotoma Otapiiro. Ido abeit eong ailipanakin lukadekak, lolo. Ido esubit ngin bala erai airetakineta naepol mama ejai ekanisa kanuka adikanaretakec. Ido-ido mam ngin erai akou naka akirot naejok einer kotoma nebeitor ijo anyaraun ekokoro loka ailipanakin itunga. Ejai ijo adukun aiyuun naka itunga kiton n...Kanu ailip, ka neejai Edeke, kede ajaun kede aiyuun. Kanuka ngun abu eong kalimok Onac Neville alimor ebe abuni eong alimonokin atupuruc na akou naka akirot naegelara, adukokin aiyuun toma otunga, mama ejai Edeke. Kotoma akiro ace, airetakin itunga kanu amamus aidar aicorakineta nuka Edeke. Koipone kalo, eduki itunga kane, kanu ajaun kede aiyuun mama ejai Edeke. Itei ijo?

10 Ido kangina kotoma agoola naka ailip atupuruc na, arai agoola naikamere ateepun kokau kangina, epaperoka losek, Onac Kidd, akaisakanyikauni kede ice, ikar akaisakanyikauni luka apolou, ejai iboie kane. Luipu kayesi iitunitos neabu eong kewonyaria mamake atupuruc ya, ajai ngesi-ayapikinit nges...Arai nepetai ekaru ediopet kokau, ayapiiki kwana ekaru ediopet. Ajai nepetai atwanare, arieaba noi, ido ainakinitos nges imurwok luka adekis esabiiti ediopet bon kanuka aijar. Arai mere esabiiti, kesi...Mam apedori aijar aitodol tupuruc kanu ayangaunio ne, kedaunit nepetai apaarasia auni. Ido kwana adolokinit do ngesi toma akwatat kede ikany, arai ibore yen epone kwanat kangol. Ebalala ngesi ebe, idakikan idis kokau, abongun ngesi kiton akwatat kede akaisauni kede iarei. Ebalala ebe abu ngesi kopup bala arai bobo ngesi isapat.

Onac Kidd, mam eong ajeni arai ipedori ber ijo anyoun aibwo, tetere itunga ejenunete ebe ingaibo ekalimonokinan lomojong lo. Aso nges ngon. Katemasi ebe, "Eyalama Ejakait." [Kotemari ekodet, "Eyalama Ejakait!" -Ekewa.] Etunganan loajai atwanare kanu engoti, kotoma-kojautene kangol. Ejaatar ngesi kede apaupake najokan noi ngina. Karai ngesi da kopedori anyoun aibwo. Eong...Inac Kidd, dobodo arai kilototo yesi kuju ngina? Kwana, ngin...Iteijo eipone loelosio ngesi kuju ngina katipet? Aitelekar eipone lo alosia eong kuju ngina. Isirereng yes Edeke Onac kede Inac Kidd. Kojaun Edeke mamakus kabarara...eyalama inac.

11 Eutaara kesi kotoma orongan luko Kentucky, kuju ka kwap kosokono luka imanikoria luka atotol, irengianaro, kopetununete kinga, kokienare, koreitete, aijar kotoma kanu apedorete kesi kere. Airie emudunga loadumunete kesi kotoma korot, kanenice, kosodete aijar kanu Ajakanut naka Edeke. Ido ikar akaisakanyikauni luka apolou, elimonokini Akiro Nukajokak, konye kere kwana amojongiasi kesi noi kanu alomun karaida kinga, kanuka ngun elipakini eong igoen luka ailip kasodi aijukakin kes, ido inyikokinete do

kesi ayanganar igoen ngul adekisia, kede iboro kwanat kangul. Epote itunga kosodete alemunun kes. Kwana, erai ngin naejai cut toma otau, mere kwangin? [Kotemari ekodet, "Amen." -Ekewa.] Arai mam jo ipedori alosit kinga kosodi airiamun nepepe ka kes, ipedori ijo aijukakin kes egoe loka ailip, kwangin, itunga ejaas kede aiyuun. Ejok ngin noi.

12 Onac Rogers kotoma, da, kanenice kotoma kane, ekamuranike kOnac Creech, epaperoka lominat. Kolot togoke kopone loalasia eong togo loka Chalie ka togo loka Nellie kede ngul kokwap kangina kwana, kede kwap ngina Kentucky. Ido amina kolo eong alosenen kwap ngina ameja, apak kere, kede nges. Ido kane, mam edaunit apak naewoja kwana, nepetai ilapio itomonauni kokau, abu emuron loka adekis kojenga nges apukor. "Kanu engoti, kosodi," atemar ebe "atwana ngesi."

Kasodi eong awomoom ebe, "Opaperoka lomojong lominat!" Ekabongunon kojie, loka Ejie Losodit loka Akwap kere, etunganan ekatitingon loteni, ekaleke. Ido abu eong kebetis nges kOkiror loka Yesu Kristo, ikar luipu kokau, kanu aisionio naka adianaretake, kajeni do ebe ebwaikin nges toma akuan naka Kristo, ido akapakina ngesi kanu alosit ariamun nepepe ka Edeke. Abu eong kawomoom, "Elosi kwana onaceka lominat atubor kwana." Kerai ngin akaulo naka aitapoet kangin, arai eringa aitapoet ngin kebuno mamaka, naekamunit Akuj. Kasodi do eong alosit kanu aanyun nges, ido kotoma agoola abu etaluka kotakanu. Abu Edeke kijulak iboro. Eswamasi ngun ikar itomokauni kolo, ido eringa ngesi ejai ne lolo, enyami.

13 Abu ngesi kiliko ice, epone ece loka ikee luiliko luka sulphur, aicwear nges kotoma oporotoke ne. Ido ebeit nges ajaun toma okokoro loka itunga luebeit ailipakinio, atupuruc naka lolo, awomit eong, abu kobu kaju. Ido ajeni eong ebe abu eong kalimo ngun akaulo na Billy adaun akorar akaadin nuka ailip. Abu eong kalimok ekamuranike, opaperoka lominat, Onac Creech, ayaun nges ne. Ido abu eong kawomoom ebe, "Arai abu eong katwaniarite nges, ti eong ekam nges kasodi aibwaikin nges toma adiopet kotoma agolaik nuka ailip nu. Konye ajatatar ngesi kede akaadi naka ailip. Kasodi eong atemar, "Busty, akoto eong ijo alosit kinga ngina." Erai ekirorike Everett. Ibuni oni anyaara nges ebe Busty, kanu aiturian. Kosodi ngesi-ngesi...Abu eong kalimok nges, "Koloma kinga kosodi alomar toma okokoro loka ailip. Itelekari eong ailipakin ijo nepe erokor ainyonyoikinio ejai, kanu ationis kangin." Kanuka ngun eminakinio eong ajaut...Arai ajeni eong ebe elipio kanuka, akoto eong itunganan korai yen inyonyoikinitai ne ejaar ngesi ailipakin eong.

14 Kwana, kapukosi Ibaibuliniwok, toma Otabo loka Rusi. Alosi eong asioman icekokoron kane, kotoma Otabo lo loka Rusi. Ido kwana eringa oni adolokina toma akou naka akirot na...Arai ti apedori eong, akoto eong alimor akou naka akirot naka atupuruc kana, enyaraitai ebe, *Ekalakunan Lopajan*. Ido akoto eong alimonokin nges kotoma abwoeta awongon nuegelegela, nuka alakunio.

Awomoomoi eong, Nasabiiti natubor, ajai alimonokini epone loabu Kristo ngol kobunio alakun oni. Kosodi konye lolo, akoto eong einer nuikamunitos: Inyobo Ekalakunan? Epone alibo eraunor Ngesi Ekalakunan? Ido, kiitu, ebe Ekalakunan elakuni ijo cut, neelakuna Ngesi ijo; kama ejaas adianaretakon, kama ejai ariebokon, kama ejai ibore kere yen erono kede ijo. Erai Ngesi Ekalakunan.

Kwana, eringa eong kelimonokina ngun, etuluroto ber awokokwes kosodete ainerakin ka Nges, kotoma ailip. Ido kwana kede awokokwes kitulurитай, mam eong ajeni arai idibo kotoma atupuruc na, ekotosi kiitunai kes kotoma ailip kotoma akonyen nuka Edeke, kopone loka akiar akanin kede atemar, "Edeke, koany...Ijeni Ijo nuepuda eong"? Kisirereng Edeke kanginidiopet kayesi.

15 Papakosi Loejai toma Akuj, eyalama eong noi, lolo, ebe ejai Apedor naepol Naikiara, kanu aijen ebe, Edeke, ebe kipedori isio adolokin ketoritos mama ejai OkokuKe, Yesu Kristo, kasodete adumun-abongokinet nuka ngun nukilipit isio. Kwape kotoma airiamun natubor, kijai kinera kotoma opone loapotu itunga kiiriaatar konapitos imukulen luka amerekekin ka imukulen loka akinei, ido ajaasi itaarikina amoot Ere loerai ekadukonike ka lokasubanike nges Edeke. Kojenete ebe karai kiirata kes irwan atipet bon adolokin Ngesi, karai kesi kopedosi adumun neajai Ngesi! Kwape abu Yob lokolo kotemaria ebe, "Karai eong kapedori adumun etogoKe loiboio Ngesi, ti eong aumaros nepepe ka Nges ore, ti eong enerakinos ka Nges, keteosi." Konye amamei ediopone loapedoria ti etunganan aswam ngun, naarai kediakarit etunganan, ido adaunit atiakar awai kosodi araun lomam ajai toma oinono loka Edeke.

Konye kama ejai Ngol loka etiai loepol Loabu kubu kosodi angaar erot, kosodi aitim isio adianaretakosi, kosodi ayaun sio akonyen nuka Edeke, mere kwape lumam ijai toma oinono loka Edeke, konye kwape idwe luapotu mama ejai Papa. Kojenete ebe einakini Ngesi mama ejai nginidiopet nuilipit isio. Ekisil ediopet bon nges iperikinitai kwap, nges ebe, "Arai kiyuu ijo." Ngin nges acamanara. Ebalasatan ebe mam sio ilosi aiyuun, kwabo Edeke ebalasatan ebe kilosi isio aiyuun. Kwana agear ejie, ido aseunet erai nakosi. Ediwai kere loisekari oni, epone ngon nges ejaunor. Ido erai naiwadikatai kopone loemokina noi, "Epedoros iboro kere mama ejaas ngul luiyuunete."

16 Ido ijai sio kiyuunit, lolo, kwape kibunia adolokin Ijo kanu acamunio naka Edeke, kelipitos ebe ibuni Ijo acamun nuilipit isio. Ido kanginikan naikiarитай kaju, ijeni ijo ebe kwap naka akan kangin ejai nuelosikinitai kotoma otau. Naarai iwadikatai, ebe, "Ijeni Ijo alosikineta nuka aomisio nuka etau, ido ipedori Ijo amisikin nuejaas toma aomisio." Ido kilipit isio, Edeke, ebe ibuni ijo abongonokin kwape ejaar abaraKon kede asianutuKon, mama ejai eipud edio kere loalimun.

Ti sio kilip lolo, wu Ejakait, ebe ingarak eong, loipudai kakere, aticepak, kama ejai ekodet; kajenete ebe, luibwaikintai iingarenika ne, eraasi luegwelunitos Aokot nuka Ejakait Yesu. Aticepak ejaas ikadiakanarak luiboete kane, lu ewenikina noi kotoma adiakar, neetionikinitor kesi, nepetai erai namam epedor kanu kes adolokin toma aiboisit naka acamun Kristo, bon ebe eringa Satan ewenit kes kotoma apedorike. Konye kwape kijenia ebe iwadikatai ebe, "Kokirorika irengeararete ajokin."

17 Koinak sio apedor lolo, wu Ejakait, kotoma alimonokinio naka Akirot, kanu airengear adiojokit kere naka abunokin kede aitopolonor iboro, ka akuriau, kotoma otawon luka itunga kotoma awomisiokec da. Tetera ngul luewenikina kede ajurungungit ka abunokin eyangaunio toma akanin nuka Kristo. Ido iwadikatai bobo, ebe, "Idokonokinete luedekasi akanin ido engaleunete." Ejaas ngul lueraas ikristayon ne, ido ewenitos kes ajokin nuka adekasinei.

Ejakait, koinak eong apedor lolo, naka Emoyo Lokalaunan, kanu alakun kere yenedeka ka yenerieba yenejai ne toma naka aduketait kana lolo, tetera Emoyo Lokalaunan epedori ayangar ewai kotoma otawon loka ngitunganan yenejai toma akonyen nuka Edeke.

Kinerakinos kasio kotoma AkirotoKon. Erai AkirotoKon Abeit. Mam eong ajeni nulimuna, konye edarit eong aingarenikinio naka Emoyo Lokalaunan, tetera Nges epedori aitetenar ka aingarenikin da isio kotoma Abeit kere. Koinak ngun, wu Ejakait. Kodum aibuses kanuKon. Ido kinyonyoik ebulesitiKon. Ido AkirotoKon erai nainyonyoikinitai sek. Kiinakini isio Ijo aiturio kwape iyangaria ijo ngin toma naka ngolitaun kere, kwape kijaar ka eipud. Kokiror loka Yesu Kristo, Nges kilipia, Okoku loka Edeke. Amen.

18 Eringa kasiomuna, amina aticepak eong alimun akiro nuamina eong duc alimunun nu.

Arai kijatatar kede icileta lumam jo ipedori aitub,

Ido kijatatar ijo kede imor lumam ijo ipedori adokar juwaikec,

Kiitu ebe, Edeke lotoma Akuj iswamai

Iboro ngun lumam luce epedorete aswam.

Ajai eong aisiom kOitabo loka Rusi, esula losodit.

Kosodi kanen kapaarasia nuatubioto ikatubok, abu ebeli kojau akwap. Abu etunganan loka Bet-lekem-yuda kolot aiboiororoi akwap naka Moab, nges ka akeberu, ka odweke iarei.

Ekiror loka etunganan kangol erai Elimelek, ekiror da loka aberuke Naomi, ikiroria luka odweke iarei Malon ka Kilion, ipuratin luka Bet-lekem-yuda, apotu kodoloto akwap noka Moab, kiboiororos kangina.

Kotwana Elimelek ekile loka Naomi; kosal ngesi ka odweke iarei.

Apotu komanyata angor nuka Moab; ekiror loka adiopot Orupa, ekiror da loka nakiyareit Rusi: apotu kesi kodautu ikar kwape itomon kangina.

Kotwakata Malon ka Kilion iarei kere; kotwania aberu odweke iarei kere ka ekileke da.

Kosodi konyet ngesi anyoun kede ateranike, abongor anyoun kakwap naka Moab; naarai abu ngesi kopup kakwap naka Moab ebe abu Ejakait koanyanar iketunga ainakin kes inyamat.

Konyou kaibois kanaeboenenoo, ka ateranike aarei nepepe ka nges; koderoto erot abongor akwap naka Yuda.

Kosodi Naomi atemar aterakake aarei ebe, "Ape, kobongosi nginidiopot kayesi ore loka totoke; kismamak EJAKAIT yes nukasianut, kwape ipotu yesi da kismamakiniata lukatwak, keong da.

Koinak EJAKAIT yes adumun aiyengun, nginidiopot kayesi kore loka okilenike." Kosodi ngesi ainu kes; kodelosi, komonyata akiyo.

Kotemasi kesi nges atiar, "Okwe ito, konye kibongori isio nepepe ka jo mama ejaas itungakon."

Kosodi Naomi atemar kes ebe, "Kibelokinos bobo adweka: kanukinyo ipudatar yesi aupar keong? Eroko kereka idwe ejaas toma aliligetaka lueraunos ikiliokokus?"

Kibelokinos bobo adweka, koloto; naarai amojong eong noi, mam adumuni ekiliokit ece. Arai kener eong ebe, Amuno, karaida kajaun kekiliokit akuare ne, kauru da idwe lusap;

Tikidarata kereka yesi kes apolor? Nges inyeiniata yesi adumun ikiliok? Okwe, adweka; naarai arieba eong kanukus, naarai abu akan naka EJAKAIT kolom aluikin eong."

Kodelosi bobo kikeceporotoi, komonyata akiyo: konu Orupa tataake, konye kimorikikinos Rusi kanges.

Kobala ebe, "Koany, abongo akainikon mama ejaas itungake, ido mama ejai edekeke: kobongo ijo da kotupa akainikon."

Kotema Rusi atiar, "Sirikiinganga eong aijal jo, abongor koma kiupar kajo: naarai mama ibeenenei ijo, nges abeenenei eong da; kaneiperenenei ijo, nges aperenenei eong da; eraunos ikonitunga ikatunga, Ekonideke da Ekadeke."

Neitwanikini ijo, nges atwanikini eong, nges kedaikinio da; keswamak EJAKAIT eong kwangin ka adepar da, arai ca kitiaki akirot kere ijo keong dimarai atwanare."

Akoto eong amaikin iiner yenididi yen atupuruc na, kwape kesisianikina eong nges, atamit ainakin yes aiyuun, naka alakunio, ka nuerai alakunio, ka eipone loiJaunet nges. Akoto eong amaikin nges ebe: *Ekalakunan Lopajan*.

Kwana, alakun imodiobore, nges "ainyakun ibore ngin." Yen lem eoliorit, bala aibwaikin toma oiduka loisiganarere iboro. Kosodi ijo alosit ngina kosodi alakun ibore ngin kede aitac etiai. Kanuka ngun erai do ibore yen ebeit ijo cut, akaulo na ilakunia ijo nges. Konye ekisil loka alakunio, ko Isirael, epajan nges alakuni iboro arai ibore yen lem awoliorit.

19 Egeuni eineriwok kotoma apak naka ikepugak luka Isirael, lu a araas ikatubok, akaulo na atwanare naka Yosua. Ido kanu adumun aitupuset naelai naka nu, kosiom nepetai isulai ikany arai ikanykape lusodit luka 1Samuel, ido idumuni ijo akirot alopet naka ngun.

Konye kilosi oni asomar kwana kwape kilosio kanu adumun aiwadikaet alopet kama ejaas nu. ne da , abu eong apak ace kokau ageunia alimonokin kotoma Oitabo kalo loka Rusi, ido ajai eong etorit tomake adaun nepetai isabiitin iuni arai iwongon. Kasodi aitegear Eitabo loka Apukokinio, irwan atipet, kasodi ayangar ekaru kere, nepetai, kanu aitor toma Oitabo ngol. Kanginidiopet naedit Naiwadikatai Obaibuli eupasi kede nuce, kere, anatar Ebaibuli kere. Erai naelai. Kanuka ngun, kijeni oni ebe erai Ebaibuli loiyengakinitai. Naarai koipone loka aimar ka ediopone kere, emamei bobo aiwadikaet adio kere naiwadikatai namam epegakin bon kanenice.

20 Aponi kiwadikai Eitabo lo nepetai kojai atiaketait naka ikar ilukumin iwongon kiding naka itaboi, Iitaboi luk'Obaibuli. Ido eraasi kesi luiwadikatos ice...Kemurwokinit eong arai itunga idi iwadikatos kes. Eitunit eong. Konye, elipit aitimio. Akoto eong atemar ebe akaisakanykape ka ice, konye epedori aticepak eong komam adolit kanu kojenuit kereka ngun. [Kotemari onac ece ebe, "Akaisaongon." -Ekewa.] Akaisaongon. Ikiliok akaisaongon kes iwadikatos Ebaibuli, kotoma apak naka ilukumin luka ikar kotoma atiakatiaka, komam itunga lu ejenanara, irwan nuipu. Ido mam epegakina karaida kotoma akirot adiopet. Iyengakinitai!

21 Kwana, itunga luipu esesenete Eitabo lo loka Rusi, kwape ebalatar kesi ebe, "Erai awaragan naka amin naejai toma Obaibuli." Erai Ebaibuli awaragan naka amin. Ebaibuli kere erai awaragan naka amin.

Mam erai awaragan naka amin bon, konye erai bobo enabi. Mam nges erai enabi bon, konye erai bobo ngesi akiro nukiswamas kolosek. Mam nges erai awaragan naka amin, enabi, akiro nueswamas kolosek, erai Ebaibuli Edeke Elopel. Naarai, "Kageunet ajai Akirot, ajai Akirot mama ejai Edeke, korai Akirot Edeke." Kanuka ngun erai Akirot Edeke iwadikatai. Ekoto ngin kodau akiro kere, onac; Edeke iwadikatai. Yaweh, iwadikatai Oitabo. Ido emamei idiobore kotomake yenerai nuinerai einer bon, kere eraas Abeit. Kangoliwai loka Ebaibuli, arai ejai neebit ijo aibwaikin etaukon. Erai nen. Erai ngin Abeit, ido ebuni Edeke aigang AkirotoKe.

22 Ido aponi kiwadikai akiro nu, kede kaiwadikaeta kere numojong. Ne asekununere Ebaibuli, itunga lukalaunak, neajaatar kesi etamitos aimorikikin Nges nepepe kotoma Aitutuket Namojong, Eitabo lo loka Rusi arai ediopet kOitabon lukapolok luapotu kesi kocamutu. Kanukinyo? Karai ngesi korai ebe akirot bon naka amin, kanukinyo apotu ikewadikak lukolo kocamuniatar Eitabo lo kwape loiyengakinitai? Naarai, ejai apukokinio naengopit kotomake. Ido kotoma apukokinio na naengopit, ijenuni ijo apolou alopet. Eyauni ijo die cut mama ejai Edeke.

Ido elipi eong, ketauka kere, atupuruc na, ebe ebuni Edeke ajenun ngolita kere, lo ewenitai, aitodol ne apukoror Ngesi Elopel, cut ngun nuerai Ngesi, kotoma akirot kana: nuerai Ngesi mama ijai ijo; eipone locamunet Ngesi. Ido naidaunia ijo aanyun ngun irwan atipet bon, epatanar do noi, iwumokini ijo eipone ali ibu ijo kilamia ngun. Konye erai Emoyo Lokalaunan bon Nges epukokini.

23 Kwana, luipu, esiomete Ebaibuli, esiomete Nges, enyounete aibwo kosodete asiomun apapula adiopet naka Ebaibuli. Mam jo imisiikini ngun. Naarai ejai kotoma aibukanareta. Ido abu Yesu kisiyalamik Edeke kanu aisub Ebaibuli koipone kangol. Ebalala ebe, "Ibwa Jo nu kama ejaas lukacoa ka luisisiatos, ido ibuni Jo apukokin mama ejaas ludidik kes epedorete aisisia."

Kwape duc idilar eong alimunun. Inac Branham naiboie kokau kangina, atupuruc na. Konye neajaar eong akwapin nukokinga, iwadikaikini ngesi eong ebaluwa kobala ebe, "Bill lominataka, ajai eong eboie

kane kede idwe, ajai eong awomoom kanukon." Kosodi ngesi ainyikokin aiwadik nuelosi ngesi toma. Konye amina eong-eong nges, ido ajeni eong nges cut ejok, apedori eong amisiikin nges karaida mam elimunit akirot. Ajeni eong cut nuejai ngesi alimun, koany, arai iwadikai ngesi ngun arai mam. Iany? naarai, ajeni eong nuebala ngesi. Kanukinyo eraar kwangin? Erai ngol eidicane lo die. Irai sio idiopet. Iany? Ido ejeni ngesi da einonoka, ajeni eong da einonoke. Mam nges...

Epedori ngesi aiboikin kosodi asesen eong. Apedori eong alimokin ijo nuelosi ngesi alimun, iany, naarai ajeni eong-eong nges ejok cut. Ido epedori ngesi da aiswamaikin eong kopekwangin. Kwana, inyo iswamai ngun, erai amun mama ejai yenicekon kotoma Amin!

24 Bian tupuruc, kijai sio iperi kotoma ojamu elitokona apak mot, ido mam abeit idwe alosit osomero, ido kipou sio kalomasi einer iboro luagelegela. Kede eipone..."Inyo elait?"

Abu eong katema ebe, "Ejatatar elait kede ageunet, kanuka ngun ejai nges ajaut kede esangeke. Mam amin ejaunar kede ageunet, kanuka ngun mam ebuni ajaun kede esangeke. Elait erai loka apaarasia kere. Amin erai naka ikar lumam edaunos. Egeun elait, ido ebuni elait angetakin. Mam Amin egeunar ido mam Nges ebuni angetakin." Iany? kerai naka ikar lumam edaunos.

Ido ne eminuna ekiliokit aberu kosodi adukokin kede nges naarai ebe itemelel aberu ngin, ebuni angeset naka ngin ajaun. Konye ne edumunia ekiliokit aberu na emina ngesi, mam nges ber ejeni ibore einakinit nges emina aberu ngin, konye bon emina ngesi aberu ngin. Kosodi aberu adumun ekiliokit loemina ngesi, mam ace eipone loejaar ngol. Emina ekiliokit aberu ngin, emina aberu ekiliokit ngol. Erai ngin aminanara naka Aibuses naka ikar lumam edaunos. Epote kesi a...Atwanare, karaida idiobore kere mam epedori aitiak kes, naarai eponitos kesi kotoma apak namam edaun. Ido apotu kesi kilamunos kinga, toma apak naimario, ido epote kesi abongor ngina toma apak namam edaun. Apak namam edaun acakun kwap kotoma akuan, naenyaritai ebe apak naimario, kosodi bobo abongor toma apak namam edaun. Mam erai naepedori amudiar.

25 Aberu naitemelel, edaun atemelel ngin, nabeit cut. Koinak atemelel ngin ikar idis. Aticepak lolo ibinai ngesi kotoma orot, kwape aceberu naenapit igoen lueuriaka, ijukanari itauon luipu toma ogeana aitelekar agolaik kere nuemasere ajon kotoma akwap. Konye ibinai ngesi korot koomite ebe erai icebore. Kwape ebalar Ebaibuli ebe, "Ti kesi kikeutu imorosingaikec, aberu naepol eimiel, konaikinitos do itunga," (eraf ngin aibina) "kwape elosiototo kesi," kotoma apaaran nakawasia. Aitodolikin ikokoron, ido komam ejenete. Ebwoete kesi kotoma ais konapitos igoen luimujalalas, ikiliok esesenete ngesi, ido komam ejeni. Epedori aticepak nges korai naejok mama ejai okilenike arai epeperoke losapat, kere kwa epodoria ngesi; konye, kapak naka etube, ebuni aberu ngin abongonokin kanu aswam adoteu kede akwat nuka ikiliok. Emoyo loejai mamakec, ido komam kesi kejenete ngun." Ewai lokaronon kakere nges, "Mam ejenete."

Konye ijo ijeni, ebe eipone loilungulungunitor Edeke apesee ngin koipone lokajokan, epedori kodaunite aibos kosawa kwape kaloka Nasabiiti naebunit? Ekiliokit lokawojan lorionon ido ibus ngol epedori mam araut idiobore konye atukos naka agasia, Nasabiiti naetupakini. Ngun kere emudiaros.

Konye ngol lokotoma, Edeke, amin, ejari adaun ikar lumam edaunos. Kanuka ngun, kocoite toma. Kibwaik akonyenekon toma kanuebeit aswam.

26 Kwana, egeunos akiro ngun koipone kangol, kwape aberu naeminana naejijim. Kerai ekirorike Naomi. Apolou naka *Naomi* nges ebe, "Naibus." *Elimelek* kerai okilenike, apolouke ebe, "aima." "aima naibus" nges kerai ekaleke. Ajatatar kesi kere okokukec, *Malon*, loerai apolouke ebe, "ariebo." Nepepe ka *Chilion*, apolou kangol kerai ebe "aitegakin, anyoridid, aiturur." Ngol nges arai ekaleke.

Kanen kobunokini ebeli akwap naka Isirael. Ido aibucaret adiopet na duc iswamauni Eyudayat, nges duc anyoun kakwap kangin. Abu Edeke koinak kes akwap ngin. Ne aponi kijaikinere Aburaam akwap ngin, abu Edeke kolimok nges mam aijal akwap ngin. Ido abu ngesi kibuca ne alosio ngesi Gerar, kodoi toma ationis. Mam abeit Eyudayat anyoun ko Palestine. Erai ngin aiboisitike na einakinitai nges.

Ido erengear kes kinga, aisiarakin akwap kere. Ido kwana ejaas abongor bobo.

27 Oo, erai akirot naelai, nakijaar oni ne atupuruc na lolo. Ejaas kesi abongor.

Aponi kirengearai Naomi kinga kanuka ebeli, Naomi kede Elimelek kosodete kesi alosit ngina Moab.

Kwana, kanu adumun kau naka akirot kangin, kwape ipupio ijo ibuni do ijo apedor amisiikin ibore erai ngin.

Kwana, elibunitos Moab-...Imoabin kama ejai ikoku yen euritai kotoma adoteu, nu da araas adwe nuka Lot. Akaulo na kes aiku akim naka Sodom, kotoma asianut naka Edeke, kosodete apesur adumun papa emera kosodete ajaunar kede kes, kwape angoroke. Apotu kesi kourutu ikoku, ido idiopet kakesi abu kogeu, kosodi ayaun akwap naka Moab, luaomitai be eraas Ikristayon, konye enyalakina eIkampirIone. Ido koany, aijal akwap naka aisumunet, mam ace epone lokeroniar ngesi, alosit bobo akwap ace, abu ngin

koyau ationis.

28 Ido adiopak kere na ejalia ekeyuunan aiboisitike na einakinit nges Edeke! Irwan nuipu, toma oipugae, aseu naebunit na, kede ace ngun kere, ido etunganan lokajokan epedori araut etunganan lokajokan, ido ewoliori ngesi awai kama ejai aiboisit nakajokan. Bala ekejanakinan ece loajeni eong, abu kokeria kanu araut emeya loka eibuga. Ido ne abu ngesi kiswamauna ngun, abu konyou awai kotoma aiboisio nuka aijanakin, kosodi Satan aipikor ngesi.

Arai konyou Ekristayot edio kere awai kotoma aiboisio kangun. "Mam ace, ejesar eong kwap, akuare na, kasodi alosit ber aiboi kede isap kotoma agola naeboliaere epuul, kadau ber apak edit. Emamei aibucaret naeswamat eong kanen. Alosi eong amatar icupa idiopet bon." Inyou ijo awai kotoma aiboisitikon. Kobongu. Ijai bon ijo akapanakin kanu alomar toma ationis.

"Oo, apesur nuce kere emasete esigala, atami ber eong da amatar ediopet." Ijai ijo anyoun awai kotoma aiboisitikon. Siri kiswama ngun. Kosalak nebeit ijo. Mam, "Mam ace, itunga kere kane enyaraete eong ebe, 'amojong.' Enyaraete eong ebe, 'nakolo sek.'" Kosalak nen, kwapekwangin. Ngin nges aiboisitikon. Kosalak toma Kristo.

29 Naomi, kanuka ebeli, abu konyou kotoma akwapuke kosodi alosit Moab, amoot inyamat. Mam abeit nges aswam ngun, naarai luce kere apotu kosalakisi Yuda, Betelekem. Betelekem apolouke ebe, Betel, "etogo loka Edeke," etogo loka aima. Ido apotu kesi kosalakisi nen.

Ido apotu ngesi kede okilenike konyoutu awai. Kosodete odweke lusap iyarei adukokin apesur nuko Moab. Konye arai edaunit Edeke anerokin icebore aismamaun, ebuni aswamaun kopekwangin. Ngin nges einakit eong eyuunit ainerunio sek, aijen nasek naka Edeke kanuikamunitos iboro.

Kanuka ngun, idumuni oni, kangina abu atwanare kinom ekale, kosodete kesi anyoun abongun. Aiar... Abu esapat kotwana, isap iyarei kere apotu kotwakata, kosodi papa da atwanare. Kosodi Rusi abongun, Orupa, ka Naomi.

30 Kwana, akoto eong aituput, atupuruc na, Naomi, aberu napolon kede ekanisa loka Orthodox, ekanisa loka Iyudayan loka Orthodox. Rusi, Amoabit, Amoit, kwape Ekanisa loka Ikristayon, Ekanisa Lokitetet.

Ido akoto eong alosikin ngun kotoma owaitin iwongon luegelegela, Rusi. Ewadikat eong ne. Rusi, eseuni ewaike, asekun ewai; Rusi ijaanakini; Rusi iyenguni; Rusi eropio. Kwape kibonguna oni: Rusi, eseuni ewaike; Rusi akaulo na nges aseun ewaike, kosodi do Rusi ajaun nen ijanakini; kosodi Rusi ijanakini; kosodi Rusi iyenguni; kosodi Rusi eropio.

31 Kwana, korot abongun, abu apak kodol, kwape keraar ngin aitupuset naka Ekanisa, arai Ikristayot. Kwape ebwoikinitor nginitunganan akwap naka Ekristayone kere. Ijo ijeni lem kwangin? Ijo, kotoma ojautenekon, koponekon, kopone loiswama ijo iboro, ibwoikinit ijo Akuan kere naka Kristo. Ipedori ijo atemar ebe, "Konye eong elopet arai loabunenei okanisa abunenen." Mam ngun epolok. Neiyangaria ijo ekiror ngol ebe Ikristayot, ibwoikinit ijo Kristo kede EkanisaKe. Ibusakinit ijo ajar kopone kangol. Ibusakinit yes kojarata bala ikiliok luyapepeara, bala amucalan. Mam nepecepe iswamai iboro luka akwapin, naarai itebeikinitai akonyen kere nuka Akuj ka nuka akwap da mamakon, kanu abwoikinit ibore ngin idiopet. Mam ace arai inonok jo biai, arai idit jo biai, idar akonikou ejok naarai irai jo Ekristayot.

32 Kwana, kerai Rusi akapirit, ejanakini aputosia, kanuka ngun Orupa da eswamai kopekwangin. Ido ajaas kesi toma orotokec, ebongunete kede tataakec. Naarai abu ngesi kiira ebe kokwap kangina ko Yuda, adaunit Edeke alemar aitananet, ido ajaasi itunga kede inyamat. Kedaunit ngesi nepetai ikar itomon kangina, ebalu Edersheim loewadikan akiro nukakolo ebe "nepetai ikar itomon."

Ido ejai do ngesi ebonguni enyunyura (ido okilenike atwana, idweke da atwakata), kede aterakake aarei. Kosodi ngesi aibelokin. Kosodi asesen kes, kotema da atiar, "Kanukinyo kiuparotor nepepe keong? Kwana, emamei ijo nukiswama konye ajaun kede ationis." Ebalu ebe, "Kitimoto naarai asuroki eong akan naka Ejakait."

33 Irwan bo adi awomoomoa Isirael ngun, komam ejenete ebe keraasi kere ainapeta nuka Edeke! Epone loejaar arwatat naemonyere kinga naka Yerusalem, eringa ejai nen! Amoru numojong nuka eyekalu, apotu kesi kolemutu amor ngun kosodete adukun arwatat. Ido arurutar arwatat kotoma airigikec kede akanin nuka iyudayan komonyete akio ido kingaingaete Yaweh, "Yaweh!" Mam kes emisiikinitos ebe eyapie kwana apakikec. Arwatatin nuemonyere, "Amor nukolo adukokinitos asaduku naikisila etogo. Ekabaka Daudi aseseni amor nu. O Yaweh, aibo ijai Jo?" komam ejenete ebe katipet ebuni ekabakake abongun, Ekalakunanike. Ajai ber kes airengario kinga, adaun apak naedit.

34 Abu Naomi koumokinite ebe, "Kanukinyo adedengar akan naka Edeke mama ajai eong, kede aterakaka? Erengea eong Edeke kinga. Arai eong naengeritoi. Mam eong ajeni adiakarika, konye arai eong naengeritai." Kiany?

Ajai Edeke aswam ainapetaKe. Naarai, "Iswamaete iboro kere nepepe kanuka ajokis mama ejaas ngul lueminas Edeke," mam ace kere nuerai ibore ngin.

Abu ngesi kotema, "Kobongosi mama ejaas nukatotokus ido kodumutu aiyengun nginidiopet kayesi kotogo loka totoke. Atwakata ikiliokokus. Ido iras yesi angor nuidisiak, ido itemelelas. Kobongosi mama iponitotor yesi. Kodumutu aiyengun kangina. Kitim Edeke Yes, naarai apotu kosianikisi lukatwak, ido kijarata kidarakina ameun ne atwakiata ikiliokokus. Ido iras lem yesi nusiaka mama ajai eong da, amojong napuserut naemamei ekiliokit, ido ipotu yesi kosalakis kede eong. Kobongosi ido koinak yes Edeke aiyengun kotogoikus." Komonyata kesi.

35 Kotema ngesi atiar, "Arai...Amojong eong. Mam bobo eong apedori auri idwe. Konye arai ajaikinos eong kede ekiliokit kasodi aurun ikoku, inyo ajokis na ebuni ngin aswam? Mam yes ti kipedosi aidareun imukeru ngin." Kerai ngol cut ekisil loka apaarasia kangun. Ebe arai etwana onac, arai...Ido, loke, onac ediopet je kwape emameotor kede aberu, ajai ngesi aikopar aberu ngin kanu aitopoloun ekiror kanuka onaceke lokatwan. "Konye, ngol," ebala ebe, "mam ti yes kipedosi aidareun idwe lu. Kanuka ngun, kobongosi kodumutu aiyengun kotogoi luka ikiliokokus. Kobongo mama ejai totokon."

Ido, Orupa, aitupuset naka ekanisa loejalam lokolo abu kogear, aitupuset naka ekanisa lomam ebuni angetakin alosit. Ebala ngesi ebe, "Esubit ngin bala ejok." Kanuka ngun abu ngesi konuu tataake kosodi abongor bobo. Erai ngin aitupuset naka Ikristayot yenejalam, yeniiyuuni Yesu kwape Kristo, kosodi aibelokin abongor bobo toma oboro ngul luabu ngesi kolom kinga kotomakec. Mama ejai etunganan loelosi asalakin kede idis ngul luka Edeke luicaaritari, kosodi bobo aibelokin abongor. "Bala ekingok loebongori bobo toma alekanike, kede epege abongor toma oritike," kwape ebalor Ebaibuli.

36 Kwana, abu ngesi kobongo aijanakin idekesioke. Irwan nuipu ibogonori oni aijanakin idekesio luka ageunetewok. Aticepak ijabatatar oni kede akonyen nuka eimiel ibore yenaronon. Mam ace, ibelokin kobongo eimiel bobo. Aticepak ijabatatar oni kede idekesio luka aimat ajon, idekesio luka einer nuka aingal, idekesio luka akooko, iponesio kere luka idekesio; kasodete alimor nuamamus adolit kibatisaete, kasodete bobo aibelokin, otukui epone loka ibore yen aiturur! Kiitu, mam aponi kolimunai ekirorike bobo. Aponi kogoloroi ngesi kinga kanuka ngun nuabu ngesi koseu.

Ekanisa loejalam, ikeyuunan yenejalam, kwape ebwoikinitor nginikeyuunan ekanisa. Kanginitunganan yen America ebwoikinit America. Kanginitunganan yen ko Germany ebwoikinit Germany. Kanginikristayot ebwoikinit Kristo.

37 Kane abu ngesi kibelokin abongor toma oboro ngul luabu ngesi kolomunite kotoma. Epone loeyangaratar itunga, kitoronikininak da icesawan, erot loka Ejakait, eyangarete erot loka Ejakait, ido ne inerakinotor ijo kakesi kanuikamunitos aibatisao naka Emoyo Lokalaunan: "Erai ngin amamus kede aijen," konyounete awai kotoma kangun. Erai ngol Orupa.

Kolimok kes nuikamunitos Ekiror loka Yesu Kristo, ebe, "Naarai emamei ecekiror kokwap kakuj loeinakinaitai itunga, loibusakinitor oni aitajario. Kere nuiswamai ijo kotoma oiner arai kotoma aswamisioit, kiswama kOkiror loka Yesu Kristo, arai emamei ecekiror kokwap kakuj loeinakinaitai itunga, loibusakinitor oni aitajario." Arai ikotosi aitajario, kitoronikinos, kibatisaunos, KOkiror Loka Yesu Kristo, kanu aisionio naka adiaakanaretakus." Epone ngol nges isioniere adiaakanareta. Ido etunganan kanuka ajenarake, mam nges epedori ayangar nuebala Ebaibuli kotoma kangun. Konye kanuka ajenara, enui ngesi Ekanisa, kosodi ainu Aisiiraret, ainu Kristo, "Yoga do," kobongori ne alomunitor ngesi. Erai ngesi Orupa, ido ejalam, loegoloritai da kinga.

38 Konye, oo, epone loeminakinitor eong Rusi nginididi ngin! Ajai nges alemun aseuneteke. Ajai eong da alemun aseuneteka. Iburai ijo alemun aseunet. Mam jo ibuni alomar kinga naka ikekia kalu atupuruc na komam ijo ilemunit aseunet. Mam jo ibuni anyoun kotoma agola kana, lolo, arai korai etunganan lokajokan arai aberu najokan, arai etunganan lokaronon kakere, arai aberu nakaronon kakere. Ainger ngun, ibuni ijo aroniar noi. Ebuni araun naetiono noi kapak kana etupakini, kanu jo alosit toma kangin. Arai, ilosi ijo kinga korai lokajokan.

Abu kodolok apak naka aotodiar kotoma ajaraka. Edoluni aitodiar kotoma ajar naka nginitunganan. Ido ajai Rusi alemun aseunet. Kanuka ngun, ebala Ebaibuli ebe abu totoke okilenike kolimok nges ebe, "obongo mama ejaas idekesiokon kwape abongoria inacikon. Obongo kwape abu naejalam kobongoria. Kanukinyo mam jo ibongoria."

Ekalimonokinan loka Akiro Nukajokak, "Arai ikoto ijo alosit, kolot." Ekalimonokinan lokabeit nges loibwaikini ngun mama ejaas itunga, "Kolem aseunetekon. Kobwo kakejekon." Ajalam, airim toma kede kinga, mam elimuni ngun. Konye ekejanakanan loteni loka Edeke ibwaikini ngun akaninikon, "Kolem aseunetekon."

39 Abu Rusi kotema, "Alosi eong neilosu ijo. Ikonitunga eraunos ikatunga. Edekekon eraun Ekadeke. Neiboio ijo nen nges eboio eong da. Neitwanikini ijo, nen nges atwanikini eong. Ido neidaikinio ijo nges

idaikinio eong da." Ngin nges aseunet nakabeit.

"Ejakait, abuni eong ayangar ijo kwape Eketajaranika. Arai ebala Ebaibuli ebe, 'Kitoronikinos, kibatisaunos, kOkiror loka Yesu Kristo,' abuni eong aswam ngun. Arai abu Ebaibuli kotema 'Ibusakinit eong adumun Emoyo Lokalaunan,' ngun nges alosi eong aswam. Arai kelimoki eong Ebaibuli ebe, "Yesu Kristo Ngopengol bian lolo ka ikar kere,' ngun nges alosi eong aiyyuun. Alosi eong ayangar Ebaibuli kede Edeke kanuka ngun nuabu Ngesi kiwadik ka nuerai Ngesi, mam ace ngun nuelimuni icetunganan kere." Ngin nges Rusi nakabeit.

Abu ngesi kolek aseuneteke. Ajai nges arai abongor kau araimam ainyikokin iingaren. Ibwoi oni da kanepakanen, atupuruc na, kobongo kau, araimam kolot iingaren. Siri kibongo kau. Kalototo ngaren.

40 Kosodete kesi ainyikokin alosit toma akwap naka aisumunet, toma akwap naka itunga luegelara. Rusi, aitupuset naka ikeyuunan kwana. Inyo? Inyobo ikeyuunan? Ne elomuna ngesi kinga, itunganan yen elomunit kotoma akwapin, elomuni ngesi mama ejaas ikeyuunak Lukristayon. Angor nuaminasi aimat esigala, aimat ajon, kede abolia akaadin kotoma aiboisio nueboliaere akaadin, kede ngun kere, ido kojatatar kede iboro ngul kere luetaitaete, kede epone ece loka "Ikweny yen iminaikina ajul," konye kwana ejulakin ngesi. Aseu ngesi ewai aupakin kede Edeke. Kwana ebuni ngesi toma otunga lumam iyuunitos iboro kwa nat kangul. Erai ngesi yenegelara. Ejai ngesi alosit kwape aloton. Mam nges ejeni inonosiokec. Eraas kesi kere luitegelikina, mama ejai ngesi. Mam nges ejeni nuiswama. Ngun kes ajai Rusi aswam. Ngun kes nuibusakinit ijo aswam. Ngun kes nuibusakinit eong aswam.

Neacamuna eong Kristo, aponi kirengearai eong korekosi obe. Neacamunia eong Kristo, ipaperoka lusap ka nupetur, apotu kocakasi eong. Abu eong kauparos ka ekodet loka itunga luemojongitos ido kojaatar kEmoyo Lokalaunan, ido kiyuunitos Edeke, kijanakinete da Nges. Kejaasi apesur kwap ngina toma okanisa ngol, nuetegelikina kede apesur nulem aupatar eong. Etegelikina kesi. Eswamaete iboro koipone loitegelikina. Etegelikina kesi, ido akuriana eong kes. Araasi kesi itunga luetegelikina.

41 Ngun kes abu Rusi kiswama, ajai ngesi abunere kama ejaas itungake obe, kiton ne ejaas itunga ice. Ebelokina ngesi. Abu ngesi koseu aseunet.

Ido ilemuni ijo aseunet. Ejai ijo ajaun kede aseunetekon. Ikoto ijo abongor toma oboro luka akwapin, arai ikoto ijo ainyikokin kede Edeke?

Ijo ikoto aswam iboro kwa iswamaata akwapin kede kes kere? Kanuka ngun, konu Kristo "yogado" kosodi abongor.

Konye arai ikoto ijo ayangar ewai kede idis luka Edeke luicaaritai, kodongakin toma akan naka Edeke namam ijulanakin. Komam apodokinit nuebakasi akwapin kere, kodongakin ijo nepenen. "Abu Edeke kotema kwangin. Erai ngin abeit. Eyuunit eong ngun, karaida mam eong apedori aitodiar ngun kotoma aijaraka. Abu Edeke kotema kwangin. Eyuunit eong ngun. Asalakini eong nepenen."

Epone ngol abu ngesi kiswamaikina Naomi. "Mam eong abuni aijal jo. Abuni eong alosit neilosu ijo. Itungakon eraunos ikatunga. Epone loiswamatar kesi ibore, epone ngol nges eswama eong da. Luenyamete kesi, kes anyami eong da. Neitwanikini ijo, nges atwanikini eong da. Neinukakinio ijo, nges enukakinio eong da. Ido kiswamak Edeke eong adepar nen da arai ekurwoki eong kanenice." Ngin nges aseunet naelai nakajokan kakere. Ekoto Edeke aseuneta nukajokak kakere kotoma OkanisaKe.

42 Mam ace, Ejakait, korai ijo kisirereng eong kosodi aiswamaikin eong *nu*, abuni eong aswam *nu ka nu*." Mam ngin erai aseunet.

"Edeke, mam eong apodo nuilosu ijo aswam kede eong, abuni eong alosit kopekwangin. Arai katwana eong, mam ace. Arai ajari eong arai atwani eong, kere nuiswamaunos! Arai ekienatar kesi eong, aboliar eong, emamei atiaketait, abuni eong alosit kopekwangin." Ngin nges aseunet nakajokan, bala kwa abu Rebekah koseunia eringa ber nges keanyuna Isaak.

Apotu auriakake kotemasi, "Kobongok apese ngin. Apese, epol ngesi da, kobongok ngesi alopet."

Kotemari ngesi, "Alosi eong." Aseunet nakajokan, naiswamaunitai katipet. Abu ngesi kodongakin toma kangun. Ngun kes abu Rusi kiswama. Abu Orupa kobongo.

43 Apotu kesi kolototo. Rusi kotoma otauke, komam ejeni nealosete kesi, konye korai aitupuset naka Ekanisa. Kilosi oni, bala Aburaam. Ikalotok kotoma akwap naegelara, kotoma akidingos naka itunga luegelara.

Ido abu ngesi kinyikok alosit, ido kangeset abu ngesi kodolu toma agola kede aiboisit naajai Naomi ayaun nges. Ido inyo abu ngesi kodum? Nginitunganan erarapanari nges epur, kobakasi da ebe, "Rusi, iyalama isio ajaut kede ijo kwap ne"? abu ngesi kodum epeget, ibore yenaronon. Abu ngesi kodum ationis.

Ido ikalimonokinak luelimokinete ijo ebe, "Aijar naka Ekristayone erai nailajara," ejai ngesi aingalingal ijo arai mam mam nges da elopet iyuunitor. Elaitos ijo akwapin, ido epote itunga aila jo. Ejai jo asekar ewai kede idis luka Edeke luicaaritari, kokienare, koboliaere, arai idiobore kere. Ejai ijo aitegelikina. Irai ijo euriat loka akwap ace.

44 Aberuka...Kwape alosia eong-alosia eong atakun ngun bobo; esubit bala erai naejok kanu aswam ngun. Abu kingit eong ebe, "Kanukinyo mam angor Nukristayon enapiata igoen ngul luenapete angor nuce ngun?" ebala ebe...ebala, "Irai oni kere luka America, mere kwangin?"

Abu eong katema, "Mam, ipa."

Mam ace, lubo kangai kirai oni?"

Abu eong katema, "Mam oni irai luko Germany, karaida luko France, karaida luko Belguim, karaida luko Swiss, karaida luko Africa, arai luka, America, arai mere idio kakesi."

Konye lubo kangai kirai oni?"

Abu eong katema ebe, "Irai oni Ikristayon." Luka America iswamaete bala luka America, luko Germany iswamaete kwape luko Germany, naarai erai ngol emoyo loka akwapukec. Ido kijai oni da kede emoyo loka akwapuwok. Ngol nges Emoyo Lokalaunan loebuni kama ejai Edeke, kotoma Akuj, ido iswamai ijo do koipone kangol. Einakini ijo ayait aijarakon kwape iswamatar kesi kokuju kangina, naarai irai ijo loka akwap ace.

Iboie oni kane kAmerica, erai ngin abeit. Erai ngon ewai loka akuan. Konye etau lo eyait oni, eiponewok, erai loebunit kokuju. Kijari oni kokuju naarai eurikinitai oni kaju. Ikristayon kere lueponitos kokuju. Abu Yesu kotema, "Mam Eong arai Lokwap kane. Abunit eong kokuju. Arai Eong karai loka okwap, ti iKatunga kejioto kanuKang. Konye AjakanutuKa erai nakokuju." Kwapekwangin ediotunganan kere loeurikinitai ajakanut naka Edeke, erai ngesi lokokuju.

45 Kwana, kiseseni kwana. Kwape kinyikokina iingaren, idumuni oni kes epote toma aituguikinio. Ngin erai kereka naibuni ijo toma, neidumunia ijo Emoyo Lokalaunan? Eebo, abu eong kadum. Akiendar, kede ngun kere.

Kwana, koany, abu aijar kotionor kanukeng, ido erai duc aijar naetiono neiraunor ijo Ikristayot. Naarai ejai ijo aijulakin aijarakon ageun kama ejai aijar adiopet naka iboro luiteletele loka akwap kana, kiton aijar ace, naka ainakina mama ejai Edeke. Ejai ijo aijulakin aijarakon, abunere owai lo.

46 Ido ajai Rusi aijulakin aijarake ageun kajaut toma akwap naepu inyamat, kede nginibore kere ayongitai, kiton otunga lu akienatar ka aboliar nges, Alomar toma akwap na eraria ngesi komanikor lunyaman. Kibwaikini toma otaabalake, kosodi ayangar ore. Kosodi aicom kosubuni da emugaati, kosodete ngesi kede tataake ainyam.

Neajaar ngesi ngina, apotu kesi kojenikisi, kwape kejaar ngesi irari lunyaman, arai ejai ngesi airar... Kwana, abu ngesi kolek aseuneteke. Arai ngesi ngin alopet aseuni.

Kwana, ibore yenetupakini yen ebeit nges aswam nges aijanakin.

Ido ngun nges nuebeit Ekanisa aswam. Ekanisa, akaulo na ijo alemun aseunetekon, ejai ijo aijanakin. Aijanakin Edeke kwape adaunia Ngesi ainomun ainapeta, aijanakin Nges kwa ebalar AkirotoKe. Iburai ijo aijanakin Edeke.

47 Rusi elemuni aseuneteke. Kwana, Rusi ijanakini kwape ajaar aseuneteke. Kwana kosesen ber edakika ediopet. Kwana elosi ngesi omanikor, kanu airar.

Kwana abu totoke kolimok nges; na, erai Aitutuket Namojong elimokini Nakitetet, ijani bo jo. Abu totoke kolimok nges, ebala ebe, "Ejai oni Epajan, ido ekekiror erai Boas. Erai ngesi etunganan lokabaran. Ido erai ngesi Epajan lope eyapiei. Kolot ngina omanikorike. Ido aticepak...Siri kere kiliot bobo omanikor ece; kolot omanikorike."

Epone lo elimokina oni Emoyo Lokalaunan mam alosit awai naka ecepone loka e-eitabo loka ekanisa, odiini ece, konye kolot omanikor loka Edeke, Aitutuket Namojong, Ebaibuli. Siri kitema ebe, "Mam ace, kilimuni oni nu. ido kilimuni oni nu kanu ailip. Ijaun oni kede na." Kosalak toma omanikor. Koloma toma naka emanikor, naarai erai Ngesi Epajan loeyapiei.

48 Akiroto naka Edeke, Aitutuket Namojong, erai Epajan loeyapiei mama ejai ngin Nakitetet. Ekanisa lomojong nges erai toto naka Ekanisa lokitetet, koany, Ikristayot, ikeyuunan, "Siri kilot bobo toma omanikor ece. Kosalak nepenen toma omanikor. Ido aticepak acepaaran ibuni ijo adumun asianut kakonyeneke."

Apaaran adiopet, kejai ngesi toma omanikor, kobuni etunganan lo, ekabaran, loenyaritai Boas,

ekepugan, etunganan loabarit, kosodi aanyun Rusi. Oo, nekeanyunia nges, abu ngesi kominu Rusi. Awomit ngesi ebe kerai Rusi aberu nakaumokin. Abu kominu iponesio luka Rusi. Iitunit ijo, abu ngesi kotema, "Ajeni eong, apolouke ebe itunga da ejenete ebe irai ijo aberu na idarakina." Abu Rusi koleman aseuneteke, naelai ido kocai. Abongun cut lailo, kosodi aijar koipone kalo abalar ngesi ebe elosi aswam.

49 Konye keja ace da, lolo, etemarete kesi atiar, "Kijeni ebe irai jo Ekristayot. Kijeni bobo da ebe irai ijo etunganan loitosomai Edeke, naarai emamei etunganan epedori aswam nukaumokin nu dimarai arai ejai Edeke ka nges."

Ngun kes abu Nikodemu kolimok Yesu, ebale ebe, 'Rabi, kijeni ebe irai ijo ekasisianakinan loebunit kama ejai Edeke. Emamei etunganan epedori aswam iboro luiswamai Ijo lu dimarai ejai Edeke kanges." Ne, eboikinor ngesi nen kosodi asesen Nges emisiinikini aiyeiyea nakotauonocek.

Abu aberu kotiro atwele naka anapitoKe. Kibelokin, kotema da atiar, "Ingai katiiro?" Apotu lukejaas nen kere kogiroto. Kongolekini mama ajai ekodet kosodi atemar atiar, "Ijo na ijaas kede ationis naka alele naka aokot, kitangaleu ijo aiyuunikon."

Ebala ebe, "Emamei etunganan epedori aswam ngun dimarai ejai Edeke kanges. Kijeni ebe ibunit Ijo kama ejai Edeke. Mam sio ipedori acamun Jo, naarai irengario sio kotoma okanisan kosi." Iany?

Emusabibu ngol loeropikina, Onac West, kwape kinerar oni akuare naatubor, epetorete ijo kinga. "Konye kokwap naka itaunokosi, kijeni ebe ibunit ijo kama ejai Emusabibu lokapolon." Kristo nges erai Emusabibu; irai oni atenieik. "Ijeni sio, naarai kiseseni Aijar ngipengin naejai mama ejai Edeke, ejai tomaKon."

Ngun nges nu aanyunit Boas kotoma naka Rusi, aseunet ngin naerai na ido kolai, ajokis naka aberu kangin naebwoi kangina. Kosodi ngesi aminun nges.

50 Kwana, akoto eong ijo amisiikin. Naomi, ekanisa lomojong, abu kogeu aitetemikin Rusi Ikisila kere luekamunitos ediinike, kwape keraar Aitutuket Namojong etoribe loka Aitutuket Nakitetet. Kwana, akoto eong yes adumakin akirot na nepene.

Kwana, akoto eong aitodikin yes itoribei. Itetemunit Aitutuket Namojong Nakitetet, korai yes kopedorete asiomun ngun, naarai erai ngesi etoribe lokoingaren loka Aitutuket Nakitetet. Kwana, karai eong kajai alosit abear arwatat, ido komam eong aanyunitor akakuan, kasodi eong aanyun etoribeka, ti eong kajenu, ti eong kajaunos kaijen ace kanuikamunitos epone lo ajaar eong. Ido arai mam jo ijeni (ijo) nuera Aitutuket Nakitetet, kosiom Aitutuket Namojong ido ianyuni ijo etoribe loka Aitutuket Nakitetet. Iany? Kosodi konye neelomunia Aitutuket Nakitetet toma, itemari ijo ebe, "Kanukinyo, Abeit, nges na." Eitabo loka Iburanian, abongor kau, Paul ejai itetemuni nges.

51 Kwana, koany ejok kwana. Ne abu Rusi kotemaria, arai...Abu Naomi kotema Rusi atiar, "Epajanawok lo. Ido arai ipedori ijo adumun asianut kama ejai ngesi, idumuni ijo aiyeungun." Oo, otukui! "Arai ipedori ijo adumun asianut kama ejai ngesi, idumuni ijo aiyeungun." Abwoikinit Boas Kristo, Etunganan lokabaran, ekerumunan loka iboro kere, Ejakait loka aidweny. Oo, otukui! Biai, neabunia Boas kinga ngina ilato, kotoma kobalositike, ejai imanmani emanikorike, kosodete akonyeneke aibirokin mama ejai Rusi! Kerai ngesi Lokapolon. Arai ngesi ejakait loka aidweny. Kosodi Rusi adumun asianut kakonyeneke.

Ngun kes nuiswamai Ekanisa, lolo. Neejaar Ejakait loka aidweny etubor, mam Ngesi eseseni adukena nutiok, aiidin nuka adukena, ikayook luitutuoritai ejok. Ejai Ngesi emoot itunga idiopendiope, ikiliok kede angor lueiinakina ido kolemanunitos aseununeta nuelaete nukajokak kanuka Kristo, ainakinos kanuka aijanakinike. "Edeke, eyuunit eong ngun, Kanginikirot kere kotoma kangun. Neelimuna AkirotoKon imodiobore, asalakini eong kede ngun. Erai Ngin AkirotoKon. Eyuunit eong Ngin, Nginikirot kere." Ngul kes ejai Ngesi emoot; Ejakait loka aidweny. Mama ejaas ngul lueriebi etenge ka ngul luejakit akure. "Isirerengitai ngul lueriebi etengei ka luejakit akure, naarai isimonikinio." Ejai Ngesi etamit amoun Ekanisa ngol, lolo.

52 Kwana, aponi kolimokinai Ruth aswam ibore yenikileic, konye akapakina ngesi aswam ngun naarai adaunit ngesi alemun aseuneteke. Otukui aitupuset naka ikeyuunan! Otukui aitupuset naitekooro!

Abu Naomi, ekanisa lomojong, kotema, "Kolot kwap akuare nakalolo. Erai apak naka agwei." Oo, otukui awomisiot naelai na ti ber oni kinalak toma apak edit!

Apotu Naomi nepepe ka Rusi kobongutu kapak naasakere ikinyom. Apak naasakere ikinyom kerai apak naka agwei, apak na akorere emugati loitetet. Ido Ekanisa kotoma apaarasia nu nukawasia, kitorite toma okar ilukumin iarei luka aisisianakin naka ekapirone kede ibore kwanat kangin, ejai adolokin toma apak naka agwei, kede aisiteteunio naka Aijar, emugati loitetet, esike loebunit kotoma Akuj. (Inera Russell nuikamunitos emugati loimodimoditai esike!) nges Lo, Emugati loebunit kotoma Akuj. "Arai Eong Emugati Loka Aijar. Anyamenenete kolo lukapapakus emanu ido atwakata. Konye Eong arai Emugati loka Aijar Loebunit kama ejai Edeke, kotoma Akuj. Arai kenyam itunganan Emugati lo mam etwani bobo." Ido

Ekanisa kapaarasia nu nukawasia, eyaunitai toma, kwana, kotoma apak naka agwei.

53 Rusi, amoit, naagoloritai kinga, kirengearai da, ayaun kwana toma, acamunio kwape Ateran. Abu Kristo kolom toma, kotoma apak naka agwei.

Kotema ngesi atiar, "Kwana, kibwaik inapenekon mam ijai ijo." (mere ebe kolaca inapenekon kama ijai ijo.)" epone loitegelikinar lolo! "Onapak inapenekokon ejok neilosia ijo airiamun nepepe ka Nges. Ejai Ngesi alosit aikoror ikinyom, akuare na. kolot kwap ido kibwaik inapenekon mamakon. Kimukor, kanu airiamun ka nges."

Lolo, ekotosi kesi alemar inapen. Kimukor. "Kijesar kwap, naarai ikororoi ngesi ikinyom. Kosodi kojen aiboisit na eperi ngesi." Ijo ibu kiswama ngun? Ko Gologota. Ikar luipu kolo, abu eong ekam kotoma otauka aiboisit naabu Ngesi kiperikinia aijaraka kwap, tetere Nges elemuni eong. Kojen aiboisit naeperio Ngesi. Kosesen neeperio Ngesi. Ngung nges ibusakinit nginikeyuunan aswam. Kojen ngun kere nueswama Ngesi kanukon. Aisiiraret naka Nasabiiti natubor, *Aipejoikin Kalvari*, kojen nuabu Ngesi kiswama kanukon.

54 Kotema ngesi atiar, "Kojen neeperi ngesi. Kosodido naejotooror ngesi, kanu aiyengun, kolosi ijo aperobkwap osiep naka akejeneke." Mere akouke; akejeneke, apolouke amamus aibusakinit. "Kiriu eimukes" [Kosodi Onac Branham atiror Ebaibulike-Ekewa.] "Loemukor ngesi, kosodi airiun mamakon." Oo, itei jo ngun? [Kotemari ekodet, "Amen."] Oo, ajeni eong ipedorete aticepak yesi awomoom ebe arai eong loikerep. Konye edolit eong ngin ejok cut, Emoyo Ngol loka Edeke. Kojen neabu Ngesi koper, Omusalaba; neabu Ngesi koperio kotoma ailit; ngina Getesemani. Kojen nen kosodi aliar kiton akejeneke. Koper kwap nen kosodi atwanere, mama ijai ijo, mama ijo...Nges nen. Kimukor, cut, kede anapitoke, ebala ngesi, "Anapito," abu ngesi konyara kwangin.

Kotema Rusi atiar, "Nuibala ijo, ngun nges alosi eong aswam."

Oo, otukui epone loka aseunet Naitekoro naelemuni ikeyuunan! "Nuinera Ebaibuli, ngun kes alosi eong aswam. Arai ebala ebe, "Kitoronikinos ido kibatisaunos, kOkiror loka Yesu Kristo, alosi eong aswam ngun. Arai ebala ngesi ebe, "Kolototo akwapin kere kolimonokisi Akiro Nukajokak, alosi eong aswam ngun. Arai ebala ebe, "Kere nuabu Ngesi kiner, Yesu Nges Ngopengol bian, lolo, ka ikar kere." Nuebala eong Ebaibuli aswam, alosi eong aswam ngun." Koany, Ekanisa edumununei aicorakinetake kama ejai Akiror. Abu Rusi koper kwap.

55 Kwana, kiitutu, kerai ngin ibore yenikileic mama ajai apuserut ngin nadidi kanu aper kwap osiep loka ekiliokit, akejeneke. Ibore yenikileic, mama ejaas akwapin.

Oo, ijo ipedori abwoikin ngun? [Kotemari ekodet "Amen." -Ekewa.] Ejai ne. Koany. Koany. Nges na. Ekanisa, aberu naedit, etunganan loedit, luemojongitos, luedisiak, ilimokinitai kes atiakar kama ejaas akwapin, kosodete abunere toma aiboisit, Ajakanut naka Emoyo Lokalaunan, erai ngin ibore yenikileic mama ejaas akwapin. Konye, mama ejaas akwapin, eraunos kesi luka ikerep. Eraunos kesi lukalaunak-luibelibelosi arai icebore yen ewomitos kesi, ekiror ece loileic. Konye elimokinitai Ekanisa aswam ngun. Ijo ikapakina ajenun aiboisit ngin, kosodi aper kwap nen? ["Amen."] Kojalak akwapin konyarata ijo idiobore kere yen ekotosi kesi anyara jo.

Ekosio lomojong loimina isio ayoere.

Adau eong ageun alosit kede Yesu bon, koany,

Ajaatar eong kamoru kwape amutete, bala Yakob;

Ido abuni eong ayangar ewai kede idis luka Edeke luicaaritai;

Adau eong aitegear kede Yesu. Ajai eong atubor.

56 Nges ngin. Mam ace, abuni eong aitac etiai kere nuiswamaete luce. Arai erai be aisurumio ileic, arai erai ebe atwanier ere, atwanier ekale, atwanier ipaupa, apapero nupesur, ipapero lusap, kere nuejaas, alosi eong bon. Ayangari eong erot. Arai kelimutu idunyetaka ebe arai eong lokalaunan loelibelobelo, epetekotit, arai loikerepikinit," mam eong apodo nuebakasi kesi. Emamei atiaketait naiswamaikini ngin eong. Adau eong ageun alosit. Adau eong aseun aseuneteka, ido ajai eong alosit aipelor.

57 Kwana, arai ngol bon nges apedori ainakin Rusi aiyengun, kama ejai aidep inyamat kotoma omanikor. Oo, ajijim noi neadumunia Boas nges kokinga kangina kotoma omanikor. Mam eong apedori atwanier na. Abu Boas kodumak ngesi kinga ngina toma omanikor. Kotema ngesi atiar, "Koany." Ebala ngesi ebe, "Ingaibo jo?"

Ebala ebe, "Ekirorika Rusi."

Oo, Amoabit nabu kobu aiboi nepepe ka sio."

"Eebo."

"Eiirarit eong nuikamunitos ijo. Mam bobo ilosenenei toma omanikoria ice." Ah! Eminakit eong ngin. "Siri kigeu airim. Kosalak nepene toma omanikorika. Osalak kede emanikorika.' Abu ngesi kominu ngin. "Kosalak ne. Kosalak nepepe keong. Siri kilot airim ageun aiboisit adiopet kiton aiboisit ace. Osalak ne."

Arai iyuunit ijo Aisiiraret, kosalak mama ejai Aisiiraret. Iany? Mam ace etiai loebeit ijo aitac, kosalak toma kangun. Kinyikok alosit iingaren. "Arai erai, ebe aipal *nu*, ka *kwa*, arai nace *ya*. Ido ejai eong apalar aimat, ejai eong aijal aihatanut, aisab. Alosi eong aisal kede ngun." Kiany?

58 Ido abu kotema bobo, abu ngesi kotema, "Kwana, mam kes elosete aitipas jo, naarai adau eong aicorakin isap mam amoromor yes." Amen. Eminakinit eong ngin, ayuarake. Ingaibo abu kotema kwangin? Ejakait loka aidweny.

Ocoite. "Sirikitiroso lukinyonyoikitonoka akinyet. Sirikiswamakisi Kanabin aronis." Ngin erai abeit? [Kotemari ekodet, "Amen." -Ekewa.] "Naarai abeit atemari yes atiar, tiejok akukuse kiledokinai omorosingikon ido kocakakin toma angolol, itia ijo aituguikin idiopet kotoma kaludidik kalu." Ngin erai abeit? ["Amen."] Siri kitoosa kes."

"Adau eong aicorakin kes mam atiror jo." Oo, kosesen akwapin ngun! Eraas akwapin ikareak. Edolunit akecepat.

59 Kosodi ngesi alosit mama ejaas isap, luce kwi. Kotema ngesi atiar, "Kwana, ejai ngesi aidep inyamata kanu ejare. Kwana, akoto eong yes luisakete...yes imalaikan," kotoma akiro ace. Nges eraas kesi. Ebalab ebe, "Akoto eong yes imalaikan icesawan, yes luisakete, irwanatipe akaulo na apak ace, abukonor akan adiopet naileleba kwap, kotoma apeleikin." Oo! "Sirikijaikisi ngesi etionikini. Konye irwanatipet akaulo na apak ace, koinak nges kiira Aisiiraret. Korapia nges kapedor nakajokan naka Emoyo Lokalaunan, irwanatipet akaulo na apak ace, kanu aitijenikin nges ebe aringa Eong ajai. Kiswama aitangale ace kotoma akidingosike. Kitodia Aanyunet ace arai aumokinet, tetere nges ejenuni ebe ajai Eong toma akidingosike." Nges nen.

Mam kereka ijo ikoto adumun ngun luileleba akan luecakanaritari? [Kotemari ekodet, "Amen." -Ekewa.] Amuno eong ebe kidumuni oni ice kotoma atupuruc kana, mam tope? ["Amen."] Akan naileleba naka agwei. Kiswama Ejakait icebore yen kolo eswamaenenei Ngesi. Icebore yen kijeni oni ebe iswamai Ngesi. Erai Ngesi Ejakait loka aidweny. Erai ngesi bon Nges epedori acakakin akan naileleba naka inyamata kwap tetere ijo iraruni. "Ecorakini Eong imalaikan alosit kwap ngina toma airiamun ngin atupuruc na. Akoto Eong kes aswam icebore. Adau Eong aicorakin kes, ido epote kesi aswam ngun." Oo, otukui.

60 Kwana, kane, ajai Rusi ayangar ewai loka ileic, apero kwap, anyarao idiobore kere yen akoto ngesi. Apedorio ti anyara nges ebe amalayat, ijeni bo jo. Apedorio ti anyara nges kwape aberu naka erwom lokaronon, konye kere komam nges erai aberu naka epone kangol. Ido ajai ngesi etupit cut kodoco aicorakineta nuainakinitai nges atupit. Kanuka ngun kolosi ngesi kosodi aimukor. Aibo nen abu ngesi kolot? Ngina ailit. Aibo nen abu ngesi kolot? Neajai Boas iyengi.

Nen nges abu eong kadumunia ngun.

Kwap ngina omusalaba neabu Eketajaranika kotwania,

Kwap ngina neketalaunere adiakarika, abu eong kamony,

Ngina toma otauka nges aponi kigaunere Aokot.

Ejai ekicoi loileleba aokot toma

Aokot nugaunioi kotoma amori nuka Emmanuel;

Ikadiakanarak kere kelumosi kwap toma Aokot ngun,

Ilotar amasikinet kere naka ileicikec.

61 Kojen aiboisit ngin neabu Ngesi koperia kwap, kosodi jo da apero kwap nen nepepe ka Nges. Ijo ikapakina alosit omusalaba, atupuruc na, kwape abu eong kalimuna Nasabiiti natubor? Ijo ijeni aiboisit ngin kotoma ajarakon? Ijo iyangau ajarakon toma aiboisit ngin ne ebubuikineru Yesu?

"Oo, kiyalama oni kanuka ngun." Konye, dobo do aibubuikiniokon? Ijo ikapakina ayangar ewai kede ekiror loka ileic, kwape araut lokalaunan-loibelibelo, loikerep loka ediini, arai idiobore kere, etiai ediokere?

Ijo ikam aiboisit ngin, kanuka ngun kolot ngina ido koperoto kwap nepepe ka Nges, kotema ebe, "Ejakait, ajai eong ne"? kosodi bodo inyo? Iriu aisuka ngipengin naemukor ngesi, kimukokin ijo da.

62 Abu kolo aberu ace kolimk Ejakaitiwok ebe, "Ejakait, koinak isapaka iarei kiboikinos akan nakoteten, kede akan nokokediany, kotoma Akabakanut."

Kotema Ngesi atiar, "Ijo ipedori aimat aikopo namasi Eong?" Ngin nges areo naedwar.

"Eebo."

"Ido ijo ipedori aibatisao kede aibatisao ngipengin naibatisaere eong?" koper kwap, kiriu aisuka ngipengin mama ejai Ngesi da.

Aponi koyangarai Eliya kuju. Kosodi Eliya acakun kwap asuka ngipengin nakejai mamake kosodi acakakin arapiar Elisa kede akorakineta aarei. Ibore ngipengin, akorakineta aarei,. Apedor ngipengin; emamei bobo ace. Emamei bobo ace, emamei bobo naepol aitelekar; akorakineta aarei nuka Emoyo.

63 Kwape ka Musa, ne etegakina nges, abu omuranike kotema nges atiar, "Ijai ijo aitapasun noi. Kilip Edeke kolema emoyokon ido kibwaik mama ejaas luce." Kosodi ngesi ailip.

Abu ngesi kolema Emoyo kosodi aibwaikin toma mama ejaas akaisakanykaarei luce kosodete akaisakanykaarei ageun aidwar. Amamei bobo kesi apedor ace. Ajabatatar kesi kede acuuman nuepu. Kes ngun bon. Ibore idiopet ngipengin, acuuman bon.

Epone ngol nges ejaatar lolo da. Mam etunganan ediopet epedori aswam ngun. Ejaatar Edeke kede acuumanaKe iswamaete kotoma nginiboisit kere, konye erai apedor adiopet ngipengin; apedor adiopet, Emoyo Lokalaunan ediopet, Yesu Ngopengol.

64 Kwana, abu kiriu ebilangit, Emoyo Lokalaunan, neabu Ngesi kotwania kanuke. Abu kojen aiboisit na atwanikini Ngesi, ne aperi Ngesi kwap kanu aiyengun. Kosodi ngesi da apero kwap, kosodi aiting ebilangit loemukor Boas, kosodi airiun aimukoror. Kokwenyuni etunganan, kosodi atemar, "Ingaibo ejai nen?" Abu je kotema...abu Rusi kotema, "Arai eong Rusi, Amoabit, abulesitikon."

Kosodi je anyoun. Kotema da atiar, "Amisiik ido ajeni kwana ebe irai jo aberu naidarakina." Amen. Oo! Mam tope ngun ijukarete aiyalama naepol toma otaukon? [Kotemari ekodet, "Amen." -Ekewa.] "Irai ijo aberu naidarakina."

65 Ido nunyoika abu ngesi kobongok? "Konye ijo nges Epajan loiyapie." Amen. "Ijo nges Epajan loiyapie. Ipedori ijo aiswamaikin eong. Ipedori ijo aibwaikin eong toma aiyengun. Abunit eong apero ne mere ebe arai eong aberu nadote. Abu eong apero ne mere kanu aitodiara; aitodikin itunga ebe apedori eong einer ka angajepa, aitodikin itunga ebe apedori eong aikosi kotoma Omoyo. Kede aitodikin itunga ebe apedori eong acelanar. Konye abunit eong ne naarai Ijo nges irai Epajan loeyapie. Mere kanu aitodiar ebe apedori eong aswam icebore yen epol; konye irai jo loka ajenaka. Abunit eong naarai irai jo Epajanika, ido Ijo bon nges ipedori alakun eong."

Kosesen Eipone loesesenia loibelokina aitup Kristo, ekanisa? Iany? Iany? "Ijo nges Epajan loiyapie."

Abu ngesi kotema, "Irai ijo aberu naidarakina. Ido arai eong Epajan loayapie. Kwana, kimukor. Koper kanen kiton tupuruc." Whew! "Imukor ijo kede ebilangit ngol. Arai eong loka ajenakon." Oper kanen kiton tupuruc, ijai aiyeng." Amen. Amen. "Arai eong Epajanakon loeyapie. Kiyengu!" Amen.

66 Nokedolio tupuruc, sek eringa akwap kecauna, kotukok Rusi atukos naepol naka isakan, irwan akanyape, eyuunit eong ebe kerai kwangin kosodi aibwaikin toma oisawoke yenididi, kolot ore.

Ido-ido kotema Naomi atiar, "Akokuka."

Akaulo na inyouna ijo kolutari, kosodi abongor. "Kwana, nunyoika elosete aiswamun, toto? Nunyoika kwana etupakinete?" Amen.

"Kiyengu." Amen. "Rusi, kiyengu naarai mam ekiliokit ngol edumuni aiyengun aitodol needaunia ngesi aitac etiai kere loka alakunio." Amen. Amen. Nepenen nges neabwoia eong. Amen. Ido mam Nges edumuni aiyengun aitodol needaunia ngesi aitac etiai kere loka alakunio, kanu alakun ijo, nginibore kere yenibu jo kotwania, nginibore kere yen kolo kirai ijo.

67 Kwana kiitu ekisil loka alakunio, kwape ijaar oni abunere toma agolokin, angeset naka aijanakin. Ekisil kere loka alakunio nges lo, ebe, eringa etunganan kelakuna ibore yen awoliorit, ebusakinit nges korai Epajan loeyapie kakere. Ido ibore yen etupakini, ebusakinit nges korai etunganan loitenara, etunganan lokajokan, kanu aswam ngun. Ido ajai nges alimor kama ejaas itunga ebe abu ngesi kiswamaite ngun. Ido ageun kapak kangin, eraun do ibore ngin yenike.

Kanuka ngun, kwana koany. Abwoikinit Boas Kristo. Kwana, abwoikinit Rusi Ekanisa, ijo, ikeyuunan. Ido kwana, Edeke kotoma Aitutuket Namojong, epone ediopet bon loapedoria Ngesi abunere alakun ibore yen awoliorit, ajai Edeke abunere kwape Etunganan loerai Epajan. Ido epone bon loapedoria Edeke araun Etunganan lopajan, nges aurunio kamakec. Amen.

68 Etegelikina eong kama ejai Billy Graham, kotoma ajaut naka itunga iuni toma Oidekeone, arai idiotunganan kere yen isisianakini eteriniti, kotoma kangun. Eyuunit eong eteriniti, konye mere koipone

kangol, ebe eraas itunga iuni. Eraas kesi Ediopet. Ejai awaragan ngin, bon, emamei bobo icebore konye ngun, nges epedorete aitigogong ngun.

Abu Edeke koraun Etunganan. Ajai Nges araun Epajan. Ido mam Nges apedori araut Edeke ido karaasi oni ikadiakanarak, esube loka esubeKe, itunga luesubunitai kotoma ajaruniKe, naarai mam oni kipedori araun ipajan kangina. Kanuka ngun, abu Edeke koraun Etunganan, tetere mam etunganan eraun Edeke, abu koraun Edeke. Amen.

69 Kwape kiraar oni itunga, ikadiakanarak, abu Edeke koraun ekadiakanaran, abu Ngesi kibwok adikanaretawok kamaKe. Komam ejeni ibore enyaritai adiakar, konye koraun ekadiakanaran naarai keponi kibwaikin adikanaretawok mamaKe. Tetere oni...Abu Ngesi koraun eong tetere eong araun Ngesi. Iany? Abu Ngesi korau ekadiakanaran tetere eong araun okoku loka Edeke. Abu Ngesi koraun ekadiakanaran, tetere ijo iraun okoku loka Edeke, naarai aponi kitaraunai Edeke Epajan neayangara Ngesi eipone loka awatewok, abu aberu kouru Nges. Edeke! Mere icetunganan; Edeke, Elopet.

1Timoteo 3:16 ebalala ebe:

...ido komamei abunokin, epol noi aiyeyea naka ayongit Edeke: naarai abu Edeke kitodiar kotoma akuan, kitojokai kotoma Omoyo, apotu imalaikan koanyut Nges, aponi kolimonokinai kotoma atekerin, aponi kiyuunai kotoma akwapin, kodakarai kuju toma aibuses. Edeke!

Kageunet kojai Akirot, ajai Akirot mama ejai Edeke, korai Akirot Edeke.

Koraun Akirot akuan,...

70 Akirot nges abu koraun itunganan, koraun Epajan. Abu Ngesi koraun Etunganan. Oo! Abu Ngesi koraun atwanare, tetere kotoma atwanareKe araun eong Aijar. Abu Ngesi koraun ekadiakanaran, tetere kotoma adoliteKe araun eong...Kadumuni eong Aijar. Abu Ngesi kicanakin, tetere kotoma aicanakiniKe, araun eong ekabaran. Abu Ngesi koraun loarai eong, tetere kotoma asianutuKe, karaun eong loerai Ngesi. Oo, Otukui! Kanuka ngun kiner nuikamunitos apedorosio nuka Edeke! Kwana, ngol nges Ekokoro elopet. Ido ngun nges ebalala Ebaibuli.

Tetere oni kiraun...Otukui amin, naetodiki oni Papa, aitodikin, tetere oni luiwai ikadiakanarak, ilongwau, luilwaka kama ejai Edeke, kisukunyuun die nepepe ka Edeke, kanoinei kwape kiraunor odwe nepepe ka adwe nuka Edeke, mere ibulesin. Mam ekanisa lomoit erai ebulesit. Mam, ipa. Ekanisa loka Imo erai okoku ka akoku. Iraas yesi odwe ka adwe nuka Edeke, luadaut aijaun Emoyo Lokalaunan. araibo iraas yesi ekodet loka lu Orupa, kosodete airengear awai? Konye arai itoritosa yesi mama ejai Emoyo Lokalaunan, kiraunos odwe ka adwe nuka Edeke.

71 Kwana, odwe ka adwe, ingaibo ejaas kede apedor naepol kakonyen nuka Edeke? Inyo emalaika? Emalaika erai ekejanakinan. Ngin erai abeit? Eraas kesi ikejanakinak. Inyo irai ijo? okokuKe ka akokuKe. Ingaibo ejaatar kede apedor naepol kotoma akuj, ekadiakanaran loitajaritai ka asianut, araibo emalaika Lokapolon loebwoi kaniKe nakoteten? Ekadiakanaran, loitajaritai ka asianut, ejaatar kapedor naepol kotoma Akuj aitelekar Emalaika Lokapolon lokebwoi kowai lokoteteniKe, komameotor kede adiakar, naarai erai ngesi okoku. Ejaatar okoku kapedor naepol aitelekar ekejanakinan, Ejena bo ajena.

Oo, imurwokinit oni lukirai oni. Imurwonokini oni, irwan nuipu, ibore abu kituluo oni lukirai oni. Akaulo nakiraunor oni lukirai oni, kimurwokini oni epone loidolokina oni nen. "Neabu Edeke Elopet..."

Oo, epone loka amin naketai loepol naikoni aii abu Papa

Koinak aur naka Aburaam naebiroro;

Abu koinak OkokuKe ediopet bon aiticanio

Kosodi alakun oni kede asiaunutuKe.

Oo, Eipone ali ibunia oni ajenun!

Kokiding naka irongan kede akuj nakejai amutonor

Abu Eketajaranika kitulur akouKe kosodi atwanare;

Aigalisit naabu kopukor nges abu kitodia erot

Mama ejai akuj naka aiyalama kede apaaran namam edaun.

Mama ejai Atiiba naerai Kristo nges abwoia eong;

Aiboisio ace kere eraas asingei nuelumorete.

Ne aanyanara eong emusalaba lokaumokin

Ne abu Ekabaka loka Aibuses kotwanik,
 Emarakini eong adiakarika kere kwape atwaniar.
 Erai ngin abeit. Abu icetunganan kotema ebe:
 Neajaria Ngesi abu komina eong, neatwania Ngesi, abu kitajar eong;
 Neanukakinere Nges, abu kodaka adiakaretaka neelwana noi;
 Neajarunia Ngesi, abu kitojoka eong atitai ikar kere:
 Acepaaran ejai Ngesi abunere. Oo, apaaran nakaibuses.

72 Erai lem ngun nuisisianakini Ekanisa. Eraas lem ngun nuseseni Ekanisa. Erai lem ngin etau loka Ekanisa. Ilongaritai akwap kede Aokot nuka Ekalakunan Lopajan, kanu alakun aur naka Adam naibiroro.

Koany, ejai kwana Ngesi ne, Ekalakunan lopajan. Kwana, ibore yenisodit, ajai nges araut Etunganan loibusakinit. Ingaibo etunganan ece loibusakinit aitelekar Kristo, aitelekar Yesu? Kosodi bobo icebore, ajai Nges ajaut kede isirigin. Ajai Nges araut loepedori aswam ngun. Arai Akuj naKe. Abu ngesi kitigogong ngun. Apedori Ngesi ayangar imugatin ikany nepepe ka igaria iarei, kosodi aitanyam itunga ilukumin ikany, kosodete aditai akany nuka ararasia aideun, ekaulo. Apedori Ngesi aijangun akipi kotoma atan kosodi aijulakin akipi ngun araun ebino. Apedori Ngesi aikamun agar kotoma angolol kosodi alemun enus kakitukuke, loka esabu. Amen. Mam Nges arai e...

Konye abu Ngesi koraun Lokican, komamei neiperikina akouKe. Abu Ngesi koraun Epajan. Mere Epajan Loka lukabarak; Epajan mama ejaas itunga kere. Abu Ngesi koyanga ewai loka Ekalakunan.

73 Kanuka ngun nunyoika abu Ngesi kismama? Kanen ajai Ngesi aismamaun ajenanut naedelelei kotunga kere. Atupuruc natupakini, abu Rusi kotema...Arai, abu Naomi kotema, "Kiyengu Rusi. Nginibore kwana kere ebuni ajokuun, naarai kidumu asianut kakonyeneKe."

Edeke, ocamak eong keswama ngun. Koinak eong kadum asianut kakonyeneKe. Kosodi needolunia atupuruc:

Ne egunia arupepe naka Edeke akusio, kodaun apak,
 Ne enyaranarere a-ikiroria kotoma anunuket, ajaun eong da nen.
 Aiyeng do kwana, aidarit alakunio naileleba.

74 Koany, ajatatar eong kede Ngin, naipudai kakere, kwana. "Abu eong kayanga eitaabala kere ileleba loka inyamat. Adumakini eong ngina." Abu ngesi koinakinite ngin, abu kipimau, aimwaus irwan akanyikape. Apolou naka ikanyikape erai ebe, "Ikar ilukumin ikanyikape luka ajaut toma akwap." Apaarasia nuka etunganan eraas akanyikape. Aponi kosubunai etunganan kapaaran nakikanyetekape. Ejaunos ikar ilukumin ikanyikaarei luasubere akwap, kotoma okaru loka elukumit lokikanyetekaarei, kiyenguni Edeke. Ebuni Ekanisa autara kede aitiji adiakar adaun ikar ilukumin ikanyikape, kede Apedor naka Edeke naka imugatin kalu, kosodi do alosit toma aiyengun naka ikar kere. Eebo. Aiyengun, kidareu. Aimwaus irwan akanyikape nuka inyamat lusakuna lokajokak abu ngesi kibwaik nen, kanu aitanyam Rusi kiton apak naka alakunio naileleba. Eyalama eong noi kanu ainumunum ngun.

75 Kwana, katipet kalototo ber oni kwap nen angeseteke. Kwana, kidumuni oni ebe, kwana, ebe, atupuruc natupakini, neakwenyunia Rusi, eyalama ngesi, ido kidarite. Kosodi etunganan abunore. Abu kijesar kwap. Kejatatar ngesi ka epajan ece bobo lokejatatar kaseunet mama ejai aberu, ber. Eong ajatatar kede apak kanu einer ngun? [Kotemari ekodet, "Amen." -Ekewa.] Mam ace, kanu edakika ediopet, ido ibuni oni alemun atutubet naka ngin, keja ngun da.

Ngin naetupakini kotoma awaragat, nakejatatar kaseunet mama ijai ijo, kerai ajokit, naarai kidiakarit ijo. Ido kirai ber nasodit ijo yenike, naarai kirai ijo, irai ijo yenikeng. "Naarai kiurитай jo kotoma adiakar, kinyongunitete kotoma opali, kosodi abunere toma akwap kinera aingal." Ido mam nges apedori alakun ngin. Iany? Mam nges apedori alakun ngin. Kanuka ngun, abu Kristo kobu, ido aponi kituluorai araun Etunganan, kanu alemar adiakaretawok, kanu alakun oni. Ijo iany ngn? [Kotemari ekodet, "Amen." - Ekewa.] ido etunganan loce je mam apedori aswam ngun. Mam ajokit apedori atwanare kanuka adiakaretawok, naarai kerai nges ngopengol nges eketapaaran loeswamauni adiakar. Iany? Mam nges apedori. Abu ngesi kimodimod airumeteke, ekesa ediopet je. Ido satan da emodimod airumeteke, naarai erai ngesi ajokit. Mam nges apedori araun ajokit bobo ace kanu alemar ajokit, nasodit ber ajokit. Mam nges apedori araun adiakar, naarai kerai ngesi sek adiakar. Konye, Kristo kwape keraar Loemameotor kede adiakar, abu koraun ekadiakanaran. Apedori do Ngesi alakun oni. Aleluya! Irai oni luelakunitai. *Elakunitai* oni. Apolouke ebe, "ainyakunio." Elakunitai oni.

76 Kanuka ngun, atupuruc natupakini, ajai do nges aijaikin ajenanut kakonyen nuka itunga kere. Abu

ngesi kolot kosodi airiamun kede etunganan lo korute, kakonyen nuka imakio. Ido kibusakinit araut aiboisit naka itunga kere. Kosodi ngesi asesen nges akonyeneke. Kotema ngesi atiar, "Ijo ipedori alakun nges?" Kwana, ajai ber nges aige alakun Naomi kanu adumun Rusi; ido ajai Kristo ber alakun ekanisa loka Iyudayan kanu do konye adumun Ateran Namoit. Abu ngesi kolomu toma nepepe ka Naomi, kwape alonguaut kotoma akwap ace, Amoabit, ikapirin. Ngul kes lukolo kirai oni, Imo, ikapirin. Ido kiitu, ajai nges-ajai ngesi alakun Naomi, ido nekelakunia ngesi Naomi, abu kolaku nges kede kere lukejatatar.

77 Kiitu, naabunio Kristo, mam abu kiner nuikamunitos Ekanisa loka Imo. Arai, alosit mama ejaas luKe obe, "Abu Ngesi kobu mama ejaas luKe obe. Mam apotu kisukunyutu Nges. Kejai duc Nges mama ejaas luKe obe. "Siri kilot mama ejaas Imo, sirikilot Samaria, konye kolot mama ejaas amerekekin nueolioritos nuka etogo loka Isirael. Ido kwape ilosio, kolimonok Akiro Nukajokak, kitangalei lukadekak, kitajarunenei lukatwak, kirenganari ajokin, atitai kiinakinio, atitai ikorari ijo da." Ngin erai abeit? [Kotemari ekodet, "Amen." -Ekewa.] Abu kiyakia kes, iyarei yarei. Kolototo ber...Ido ajai Nges alakun ekanisa ngol. Ido nekelakunia Ngesi ekanisa ngol, abu Ngesi kodum Ateran Namoit. Amen. Arai ngin nges acamanar najai toma kangun. Iany? Abu Ngesi kodum Ateran nealakunia Ngesi ekanisa.

78 Kwana, ajai Boas aismamaun kakonyen nuka itunga...Abu ngesi kotema, "Ijo ipedori alakun nges?"

Kotema je, "Mam."

Kanuka ngun ajai nges aismamaun ajenanut kakonyen nuka itunga. Kosodi ngesi alacun amukatake, kosodi acakakin ngol. Kotema atiar, "Aso bodo ijo, kojenu kwana etogo loka Isirael kere ebe adau eong alakun Naomi, ido ayangari Rusi da." Amen. "Ayangari eong Rusi kwape ateranika." Ingaibo arai ngol? Ejakait loka aidweny. Amen. Ajai do Rusi nen. "Alakuni eong Naomi kasodi eong adumun Rusi. Ido ebuni Rusi araun ateranika."

Nunyoika ti atemarete kesi? "Koputoosi ngin kwape-kwape ka Leah ka Racheal kede ngun, aitopoloun ilukumin," ido adau nges aismamaun ngun, erai ngin abeit, "mama ejai Isirael. Kojaun ngesi koipone kangol." Ido, koany, abu ngesi kibwaik aigimoret, ajenanut kakonyen nuka itunga.

79 Nunyoika abu Yesu kiswama, kanu aswam ngun? Abu Ngesi kiswamaun ajenanut kakonyen nuka itunga. Ne mam Satan apedoria atwanare kanuka adianaretawok, naarai kerai nges ekadiakanaran. Erai Satan papa loka adiakar. Konye Yesu, Loamamei aitoronet, Edeke loka Akuj, lomam ebusakinit atwanare, abu kijesun kwap kosodi aismamaun ajenanut kakonyen nuka itunga koipone loka atwanare, kikajakinaid kiding Akuj kede akwap, kotoma oleic. Kosodi atwanare, atwanare nakadiakar, naka ileic, kanu alakun oni. Ajenanut kakonyen nuka itunga! Amen.

Nunyoika abu Ngesi kiswama, abu kopeto awai alauniteKe; abu kopeto awai AibusesuKe. Abu kopeto..."Ajaasi Eong ka apedor. Ti eong enerakinos nepepe ka Papaka, ido katipet ti Nges kijukak eong ajoresio akaisaarei nuka imalaikan. Ti ngul keraunos nepetai imalaikan ilukumin akaisaongon. Nunyoika ti kiswamata kesi? Kotema Ngesi atiar, "Ti eong kinerakin nepepe ka Papaka, ido katipet, apolouke ebe kopekwana, ti Nges kijukak eong ajoresio akaisaarei nuka imalaikan. Ti ajoresio nuka imalaikan kepotu ne kopekwana kosodete aikamar eyaitene." Inyo ti kiswama ediopet? Ti ediopet kemudia akwap, kotoma apak naka etikatikat ediopet. Koany, kejatatar Ngesi kede ilukumin lu ti kepotu, konye abu Ngesi kopeto ngun awai, abu kiperik ngun osiep. Abu Ngesi kiperik ayongioKe kere, nginibore kere awai, kosodi araun ekadiakanaran kosodi atwanare kanuka ido kanukon da.

80 Kwana, kotoma agolokin, kipedori aticepak oni alimun kwanata, kotoma agolokin. Abu ngesi-ngesi kiswama ngun. Kosodi ngesi ayangar Rusi, kosodi ngesi adukokin kede nges. Kosodi ngesi aurun etelepak lokenyaritai Obed. Ngol nges papa loka Yese, Yese da kouru Daudi, lokerai papa loka Kristo, amen, papa loka Ejakait Yesu.

Mam tope ijo iany? Kotoma alaunit kangin, kotoma aseunet kangin naedelele, abu Ngesi koraun Ekalakunaniwok Lopajan. Abu Edeke koraun Lokajenawok, kanu adokun kwap kosodete asubun bala ediopet kaoni, Etunganan, korieb etengei, kojak akure. "Ajakit akure, ae akipi kamat." Kosodete aibwaikinai ebino loedwar akitukuKe, aicum amaraniKe. Abu Ngesi da akure kojak kwape kijakia oni. Abu Ngesi kojeni epone lo aswam komamei.

Adeka Ngesi kwape kidekar oni. Abu Ngesi kotema atiar, "Mam tope kes elimokinete Eong awaragan namojong ebe, 'Eketangaleon kitangaleun bon?'" konye apedorosioKe nuepolok mam araas kanuKeng Kelopet. Ajaatar Ngesi kede apedor ngin kanu aswam ngun, konye mam Nges apedori aitosom ngin kama ejai Ngesi Elopel. Mam.

81 Abu icetunganan kotema eong kapaaran kaya, ebala ebe, "Onac Branham, eringa idiobore kere kiswamauna ijeni ijo kere nuikamunitos nuelosete aismamaikin ijo."

Abu eong katema, "Mam ainakinet erai kanukang, mam eong apedori aitosom ainakinet kanuka." Erai kanukus. Erai yes kes imedaunete, mere eong. Arai eong ekejanakinan loka Edeke mama ejaas itunga, mama ijaas yesi.

Ekalimonokinan erai ejanakanan loka itunga. Esalakini ngesi nen. Bala apecelut naka ais, elomari au nakamunaaran toma, kodumuni owaike. Au naka esike da eporokini toma kosodi adumun owaike. Loetubor kanen da edumuni owaike, ka nginibore kere, eutara ngesi akuare ka apaaran kanu aidarit ailoreke. Ido ikejanakinak da luka Akiro Nukajokak, iswamaete ibore ngipengin; elosi korotin luka Edeke, kidarite ajenanut ejok, tetere akwapin epedorete ainyam kamake, iany, Ejkt. Ekecokon Aapecelut. Erai ngesi lokajokan. Abu Yesu kotema, "Koomoomoata nukeng. Mam Solomon esubit bala nges." Erai ngin abeit. Dr. Lily, aomit eong ijenete yesi kere nges. Kiany?

82 "Koomito apecelun nuka ais, kwape epolooto; mam itaaritos, ido mam eojiете. Konye katemari yes atiar, ka Solomon da kotoma aibusesuke..." Ejai apecelut autaara apaaran ka akuar, kanu adumun ailore tetere idari anapitoke, tetere idari euriake kede iboro kolosete iingaren. Ido luce...Epukor ngesi apukor, kopote luce alemanar kama ejai ngesi. Auu kede icuc, ka nginibore kere, epote, lukajokak ka lukarokok, kere elemunete kama ejai ngesi.

Epone ngol nges ejaar ekejanakanan, loka Kristo, ekejanakanan Lokristayot; epukor ngesi, "Kolemununutu kama ajai eong, akwapin." Emamei ibore ejai kanuke. Erai kanuka luce. Ngun nges abu Kristo koraun nearaunor Ngesi loka ajenawok. Abu Nges koraun Etunganan, tetere akwapin ti kopedosi ayangar adoliteKe, koany, kosodi Ngesi asubun odwe luka Edeke.

83 Kwana, nunyoika apotu kesi kiswamata? Apotu kesi kodukokinos, ido kotoma kangun nges alomunia ibore yenepol yen. Kanen abu Rusi kodum aropio, koipone loka adumun Kristo...Arai adumun Boas kwape okilenike. Neeropere Ekanisa da, neebunio Ejakait kotoma atupuruc naipiororoi ngin naemamete idowon. Ijai oni aiyeng, kedaritos kwana. Ebunit. Kwana, kanukinyo? Edaunitai alakun.

84 Kwana, atakunet bobo adiopet eringa eong kenyouno, kanu ageun ekokoro loka ailip. Atakunet adiopet bobo. Abu eong kamou atupuruc na, akirot ngin ebe *alakun*. Abu eong...kitimitos, inacanaka luka Arminia, konye ejai eong aibwaikin na toma; mere kanu aitipipil, konye kanu ainakin yes awomoom. Komou apolou naka *alakunio*. Alakunio, nabeit, ajai toma akirot naka ayonanin, ayangar ebulesit kotoma agwelanaret. Mam eong apedori aiwadikaun akirot ngin naka ayonanin kopekwana, konye apolouke ebe, "Ayangar ebulesit kotoma agwelanaret," *alakun*.

Eswama etunganan ibore yenaronon, kanuka ngun, abu lokapolonike kogwela nges alosit obulesene, kaitebeikin toma atwanare. Ido ejai ngesi ngina agwelanaret, erai ngesi ebulesit. Konye kobuni etunganan, etunganan loibusakinit, loepedori aswam ngun, kosodi adumun etunganan lo, kosodi ngesi adumun asianut kama ejai etunganan lo, elakuni ngesi lo. Elemari ngin nges kotoma agwelanaret naka ibulesin, kosodi ayangar nges kwape ebulesitike. Koany. Ido ebulesit ngol, needaunere alakun nges, mam bobo eponio agwelar kotoma agwelanaret adio kere naka ibulesin. Emacaritai nges. Ido arai ewomitai ebe eponio alakun nges kotoma apak ace, emamei yen epedori alakun nges, mam nepecepe, bobo egwelario nges kwape ebulesit.

85 Oo, aiturio kojai mama ejai Edeke, ebe needaunia etunganan abunore mama ejai Kristo, ido adaun alakun kede AwokotoKe nuka etiai loepol, mam bobo ajokit epedori aitulior ijo araun ebulesit bobo. Ijai ijo nabeit toma Aokot nuka Yesu Kristo aitodol apakikon naka alakunio. Ebulesit, komou kotoma Anyoun, kosodi ajenun arai mam tope ngol keraai ikisila luka ilebin. Abala eong ebe, kOitabo loka Ilebin, koany arai mam tope ngul keraas ikisila. Needaunere alakun ebulesit, mam bobo egwelario kwape ebulesit. Erai ngin abeit.

Oo, eyalama eong! Eyalama eong kanu aijen ebe Ekalakunaniwok Lopajan, ebe Edeke loka Akuj, Lokerai Emoyo, abu kijesun toma akwap ido konap akuan; koputokinos keong, koputokinos kajo; kosodi ainap einono loka akuan naediakanari, komam ejeni adiakar kere, tetere adiakaretawok ilelebikinio mamaKe; kosodi araun loka ajenawok, abu kiswamau ajenanut kakonyen nuka itunga kotoma atwanare, aitac etiai loileleba.

Ido Emoyo Loka Edeke itijenari bobo. Abu aigalisit naka eyekalu kotiaka, ageun kokuju kiton kwap. Mere ageun kokwap kiton kaju, konye ageun kokuju kiton kwap; abu kitodia ebe arai Edeke Ngol, Elopel, nges abu kocila aigalisit apukor, anyoun Kokuju. Aicil aigalisit ageun kokuju kiton kwap, abu kopuko erot. Kosodete itemwan luka asubanit abuburianar, kosodi eimilia aipelunun kama ejai akuj naajesi cuc. Abu akolong kijesar alomar kiding paaran. Kongeroto acer da aica. Kosodete iboro kere ainakin ajenanut, "Kilakun sio." Aleluya!

86 Aso kelipata. [Ener onac ece nukadwaranut-Ekewa.]

Kede akwesikus ituluritai kwana, kotoma apak naedit. Kerai ngin aidwar inera neejai ekanisa akaulo naka Aisiiraret.

Kwana, arai ejaas ice toma ne lumam ejenete Nges, mam ajarakus edolit, isukunyunitai kwana yes aibwo kakonyen nuka ekodet kalo, akonyen nuka Edeke, kanu acamun Nges kwape Eketajaranikon. Ejaas akipi toma neibatisaere kanu aibatis. Arai idarit icetunganan kanu aitegear aijanakin naka aibatis

kopekwana.

Kwape kituluritor oni awokokwes, ilosi kwana oni ayangar apak edit kanu ayoere *Ajai Eong Aipelor*. Kituluritos akusikwes kwana.

Ajai eong aipelor, eebo, ajai eong aipelor,

Alosi eong aitac etiai, kere nuiswamaete luce;

Alosi eong ayangar ewai kede idis luicaaritari luka Edeke;

Adau eong ageun kede Yesu, ido ajai eong aipelor.

Ajai eong aipelor, eebo, ajai eong aipelor. Eong...

Ijo ilosikinit cut ngun kwana? Arai ilosikinit ijo, kobia kuju ne kosodi aibwo.

...kere nuiswamaete luce;

Alosi eong ayangar ewai...

Ijo ikapakina aimaderikin kwape abu Naomi nakolo imaderikinor?

Adau eong ageun kede Yesu, ido ajai eong aipelor.

Abu etunganan loagitara kolom kotoma atuba nako Betelekemu;

Emiela eong aputoor Nges kotoma akwap;

Kotoma alosit naka aijar kere ageun kotoma akwap kiton Aibuses,

Bon nuelipit eong nges aputoor Nges.

Aputoor Yesu,...

Ijo ikoto aputoor Ekalakunanikon?

...putor Yesu, Emiela eong aputoor Nges kotoma akwap;

Kotoma alosit naka aijar kere ageun kotoma akwap kiton Aibuses,

Bon nuelipit eong nges aputoor Nges.

Ocaikinai eong, Ejakait, ocaikinai eong,

Aica nakotogo loka Aica kocaikinai eong;

Ocaikinai eong, Ejakait, kocaikinai eong,

Ocaik eong Aica naebunit kotogo loka Aica.

Aputoor...

87 Ejai tope idiotunganan kere yen ikoto ijo aputoor kilema Nges? Akoto eong icetunganan bobo kobu kokukokin ne nepepe ka apese na, kwape ekukor ngesi? Ayangar kwape ka Rusi nakolo, ayangar ewaike kotoma atupuruc kana.

...aputoor Nges;

Kotoma...akwap kiton Aibuses,

Bon nuelipit eong nges aputoor Nges.

Bon aputoor Yesu-...

Kobu kwana bobo icetunganan kuju. Kobia kosodi akukokin kwap ne, kwape ka amucalat kana. Ijo itegea? Ijo ibwaikini akaninikon toma akaniniKe?

Emiela eong aputoor Nges;

Kotoma alosit naka aijar kere ageun kotoma akwap kiton Aibuses,

Bon nuelipit eong nges aputoor Nges.

[kosodi Onac Branham ageun airukokin ekosio Aputoor Nges -Ekewa.]

88 Papakosi Loejai toma Akuj, kwape irukor ekanisa ekosio lo ebe, "aputoor Yesu," aberu na katupuruc

kana, alomu kinga, bala Rusi. Ina bell, abunore bala Rusi nakolo. Mam ace etiai loejai, adau ngesi abunore kanu aitac etiai ngol. Mam ace nu...Epone loelosere akienar nges, aboliar, ejai kwana ngesi ayangar ewai, aibwo kane, alimor adiakaretake. Kokuko kokwap. Aikamun aiboisit naabu Ejakait Lokapolon Loka aidweny koperio kwap komusalaba. Ido kanen aijaun EmoyoKe, asianutuKe naabu kinerakinos ka nges ne alosia Akiro, bala Naomi nakolo, aingarenikin. Ido abu Akiro ngin kotiuro yenibecokina, aiboisit naibecokina. Ido kwana ebunit nges kanu ayangar ewai naka ekeyuunan, okuko komusalaba, ngina nges elimoria ngesi adiakaretake, aiperikin awai iboro kere lumojong luka ajar, kosodi araun isubat yenitetet kotoma Yesu Kristo Yesu.

89 Ilipit isio, Papa, atupuruc na, ebe nginitunganan yen eoliorit kotoma aduketait kana, kangolikiliokit, aberu, esapat, apese, lumam ejenete Ijo, mam icamakini akiro nu aitub, Ejakait. Mam sio kijeni apak naibunia isio toma otube. Epedori araun aticepak lolo ebe luipu kasio ejaun abunere. Aticepak eringa sio edolio ore, ebuni akangas aiswamaun. Aticepak...ariebo naka etau epedori aticepak ainom sio. Mam kijeni. Oo, Edeke, etemonokinos sio, kotoma apak kana, kwape kejaar Emoyo ne, kwape kijenia ebe ejai Ngesi ne, kwape kejaar Edeke loka Akuj ne kede aitimike kere naemamei esange kanu aitolomikin sio toma.

Koinak sio asianutuKon, Ejakait. Ijuk ice, atupuruc na, ne olutaii, kosodete acamun Kristo kwape etajaranikec, kwape ejaar aberu na aswam kwana. Oinak ngun, Ejakait. Itim nges, kojene ebe itungake... ejai onaceke iboie kane kolutairi nepepe keong. Inacike, Wood, iboie kokau kangina; papake ka totoke iboiete kane. Ejakait, Edeke elipit eong aitim. Itim nges Ejakait. Ijeni Ijo nualosikinit eong kotoma otauka. Elipit eong ebe abukorio naka aokotoKon kotoma aitim, kobu kwana kotoma apak kana. Oinak ngun, Ejakait. Oinak, kwape kidaritor luce, kopotu luce, da, Papa, kinyakakinai mama ejai Edeke kama ejai Kristo.

90 Ido kwana, kwape kidaritor kwana ido aumokinitos, ilosi oni ayoere bobo.

Ocaikinai eong, O Ejakait, ocaikinai eong.

Aica nakotogo loka Aica ocaikinai eong.

Mam ace. Eebo.

Ocaikinai...

Ejai bobo ice ekoto abunere kuju?

...ocaikinai eong,

Ocaikinai eong, Ejakait, ocaikinai eong,

Ocaik eong Aica naebunit kotogo loka....

Inyo ijaikini ngin eong araun?

Aputoor Yesu, aputoor Yesu,

Kotoma akwap emiela eong aputoor Nges;

Kotoma alosit naka ajar kere ageun kotoma akwap kiton Aibuses,

Bon nuelipit eong nges aputoor Nges.

91 Papa Edeke, nabeit erai ngin ajenanutukosi. Ejakait, ikoto sio aputoor Nges, apatan ka aiyapepeara, ainapaara ka ajijim, itimenen duc ngul lueyangaritos Nges erono ka aswam nukarokok. Ikoto sio-ikoto sio ajaut kwangin. Imalai sio Jo kanu aberu kana naabu kobu kuju atupuruc na. epone ali kijenunia iso nuebuni ajar na adolokin araun, akaulo na apak naedit? Aticepak kotoma aibucanaretake kede iboro luejaas toma ajaraka, kwape iswamaunia sio kere ngun, aanyun kes ibwaikinio kwap naka aokot atupuruc na. elipi eong, Edeke, ebe ebuni ngesi ajar ajar naeyongit Edeke naebuni aingarenikin iupetake kere toma kanu. Konyek ngesi apaikin ne bon, konye kinyikok alosit toma akwap naka aisumunet, aijen aiboisit ka apero kwap, aijaun Emoyo Lokalaunan kangina. Kopedoros ngun, Ejakait.

Arai eringa ice ejai toma ne, Papa, yen abeit ti kobunite, ido mam abu kobu, kinyeik EmoyoKon ajalakin kes. Kinyeis kesi adumun auyengun, akuare ka apaaran, aitodol ne eponatar kesi, da, aseun aseunet napena. Mere adedengu Ejakait, konye ajeni eong ebe etwakiaritos kesi. Kanu ajenun nuepote ajaun kotoma apaaran kangin, aiirar Ngol ebala ebe, "Orwasi kamaKa yes lueswamak nukepali. Kotoma atupuruc kangin, kotoma orot loko Penn lokikanyetekauni, abu Eong kanyarau yes, ido ipotu kongeroto abunore." O, Edeke, eraun bodo ngin apak naerono biai kanukec, neipimaere sio komisani kosodete adumun sio ikadakadauna. Papa, kinyeis ngun adolokin mama ejai idiotunganan yen ejai toma akonyen nuka Edeke. Kitajarunos kesi kere. Kilipi Kokiror loka Yesu. Amen.

92 Ikoto oni aimal Ejakait, atupuruc naka lolo, kanu ajokisiKe kede asianutuKe. Eyalama eong kanu

atitingikinitikus kere, ka aidar nepepe keong adaun apak naewoj.

Iinac Ina Bell. Eong...Inac Wood, iinacikon ngin, Onac Charlie. Nulem ejaasi kesi ilipete, ka nuilipi lem oni, adaun apak naewoj. Iinac Ina Bell, konyou ber jo aibwo, kanu apak naedit? Erai ngin iinacike kaWood...ekengadaniwok kane kokanisa, erai ngin iinacike kaberuke, naacamu Yesu kwape Eketajaranike atupuruc na. ido ailipasia adi lem...Isirereng Edeke jo, Iinac Ina Bell. Awomit eong alimiunenei eong ekirorikon ejok. Ngin edolit? Isirereng duc Edeke jo, iinac naminat. Ido arai mam ibatisatere ijo Kokiror loka Yesu Kristo, elipit eong ijo aswam ngun, kodum Emoyo Lokalaunan.

Kojai duc Edeke kajo, kisirereng okilenikon loketiai loepol je. Abu eong keriamunos nepepe ka nges apaarasia adis kokau. Mam eong ebucarit, ekirorike erai Stanely. Ngin erai abeit? Stanely. Isirereng Edeke jo Stanely. Ejijim ajaut ore, konye eyuunit eong ebe ebuni do kwana ajijimar aitelekar lem sek. Kojaunos Edeke kayes kere, ido kijaik yes asianutuKe ka aitim, apaarasia kere nuka aijarakus. Ido kinyikokis atupakin Ejakait. Oraun bala Rusi kwana, Ina Bell, imakakin cut toma kangun. Inyikok alosit iingaren. Icesawan ebuni ationor, ido emutokoto irotin. Konye, kiitu, kosesen kwap kosodi angoleikin kuju, idumuni ijo aicaket naka akeje na aokot na elosi erot kere kiton kuju ngina. Ebuni Ngesi aingarenikin erot.

93 Kwana, oo, adol apak kiding paaran, isawan ikanyikape. Irokosi yesi ikapakina ajaikin kede ekokoro loka ailip? [Kotemari ekodet, "Amen." -Ekewa.]

Billy, aibo, epone ali...Ngesi abu tope kokora akaadin nuka ailip? Mam eong-eong...eyuunit eong ebe abu ngesi kolimokinite eong ebe ekorarit ngesi akaadin...Mam ace, arai bo inyo? kolimok eong icetunganan loarai enyukuta kede isulai. [Kotemari icetunganan ebe, "Engon abu." -Ekewa.] inyobo? [Kotemari Onac Billy Paul, "B."] B. B, idiopet kiton akwatat? Akaisakany kiton akwatat. Mam ace. B, nasodit. Ejatatar kesi...

94 Kwana, ijatatar oni kede atukos, kanukangun mam oni kipedori...ilosu oni aitobwo kes kere, kosodete oni aitutub kes kotuboros, kwape elipanakina eong kes.lu

Kwana, idibo mam eanyunitotor ediopet kotoma okokoron luka aiip? Ikeutu akaninikus kuju, mam jo iiritor ajaikin toma airiamunonetaka, okokoro loka ailip. Oo, otukui, luipu kayesi.

Mam ace, kipedori oni ailipanakin itunga ailipanakin, araibo mam oni ipedori ajaikin kede aijanakin naka amisiinikin aiyeaya nakotauon luka itunga, arai bodo mam eong ajaikin kede ekokoro loka ailip cut; konyarautu kes kinga, toma okodet. Emamei ationis. Ejai Emoyo Lokalaunan ne. Eebo, ipa. konye kabwoete kotoma okokoro loka ailip.

Nasodit, ingai ejatatar kede nasodit, akaadi naka ailip B?

Ena-...Akaisakany. kitimoto. Emamei yen ejatatar, Ejena bo ajena. Mam ace. Akaadi naka ailip naka akaisakany, ingaibo etingit ngin? Obia ne, ipa. Akaadi naka ailip nakiyareit...

Akaisakany idiopet, akaisakany iarei. Mam ace. Akaisakany aiuni. Akaisakany kiuni. Mam ace. Akaisakany kiwongon.

Obia *ne*, nepene. Arai ijai ijo kau, kobia *ne*, nepene.

Akaisakany idiopet, akaisakany iarei, akaisakany iuni, akaisakany iwongon. Ingaibo ejatatar kede akaisakany ikany, akaadi naka ailip akaisakany ikany? Amucalat, naejai ne na. Akaadi naka ailip akaisakany ikanyikape.

Konyoutu aibwo kosiep naka arwatat, ngina, arai ipedorete yesi.

Akaisakany ikanyikaarei, akaisakany ikanyikauni, akaisakany ikanyikaongon. Akaisakany idiopet, akaisakany iarei, akaisakany iuni, akaisakany iwongon, akaisakany ikany.

Busty, ibelokin itor nen kiding nen, onac, *nepene*.

Mam ace. Ibelokin itor nen.

Idibo emameotor kede akaadin nuka ailip, ido ikoto ijo Ejakait aitangaleun jo? Ikeu akanikon. Mam ace. Ngun bon nges ebeit ijo aswam, kiyuu ngun kopekwana. Iyuu aiyuun bon. Mam ace.

Akaisakany ikanyikape. Eong ajatatar kede ngin? Akaisakany ikanyikaarei, akaisakany ikanyikauni, akaisakany ikanyikaongon, akaisakany ikanyikape. Kobwoata kesi.

Mam eong akoto kes kere arsun irwanatipet, nges anyara eong isulai kiton akaisakanyikaarei.

Akaisakanyikauni kiton akaisakanyikaongon, kobwoata . Opotu ne, owai *lo* ne, Akaisakanyikaarei kiton akaisakanyikauni. Mam ace. Idiopet, iarei, iuni, iwongon, ikany, ikanyikape, ikanyikaarei, ikanyikauni, ikanyikaongon. Mam ace.

Akaisakanyikauni kiton akaisakanyikaongon, kobwoata *kane*. Doc, ingarak kes obongutu nen, arai ipedori ijo. Akaisakanyikauni kiton akaisakanyikaongon, obwoata owai kalo.

Akaisakanyikaongon kiton akwatat, obwoata kane kowai kalo, *ne*. Mam ace

95 Kwape ebwaatar kesi kokoro, akoto eong aingit ekanisa icebore. Itunga bo idi itetiak kane, mam ijo iiritor ajaikin toma airiamunetaka ageun? Idibo kayesi? Idibo ejenete ebe emamei ediotunganan loepedori aitangaleun loce, mere karaida emuron loka adekis? [Kotemari ekodet, "Amen." -Ekewa.] Mam, ipa. mam emuron loka adekis erai loitangalei. Ingarakini ngesi bon esube. Edeke Nges erai Eketangaleon. Iany? Epedori emuron loka adekis aitemokin akan, konye mam ngesi epedori aitangaleun akan. Epedori emuron loka adekis alemar adeka naka amojirikina naka amoeten, konye mam nges epedori aitangaleun aiboisit naetuborit ngesi. Epedori emuron loka adekis alemar ekelai, konye mam epedori aitanang aii, arai aitangaleun ajimi ngin. Erai Edeke Nges iswamai ngun. Mam ace.

96 Idibo ejenete ngun, ebe neajaar Yesu ne toma akwap, mam Nges alimit ebe kerai Ngesi Loitangalei? [Kotemari ekodet, "Amen."] Kerai Ngesi Etunganan. Abu Ngesi kotema, "Mere Eong Nges eswamai aswam, konye Papaka Loiboie kotomaKa, Nges iswamai aswamisio." Ngin erai tope abeit? ["Amen."] Idibo ejenete, nekejaar Ngesi ne, inyo, epone ali...Aijanakin na epone kali abu Ngesi kojaatar neajaar ne? Abu Ngesi kismama ngun nuetodikini Papa Nges aswam. Ngin erai abeit? ["Amen."] Yokana 5:19, "Abeit, abeit katemari yes atiar, mam okoku epedori aswam adiokirot elopet dimarai ngin naeanyuni Ngesi Papa iswamai; naarai nuiswamai Papa kere, ngupengun iswamai Okoku da." Ngin erai abeit? ["Amen."] "Ngupengun iswamai Okoku da."

Kwana, kanuka ngun erai Yesu ngopengol bian, lolo, ka ikar kere? [Kotemari ekodet, "Amen." -Ekewa.] Yesi iyuunitos ngun, kede ikusitauon kere? ["Amen."] Erai Ngesi ngopengol bian, lolo, ka ikar kere. Ijo iyuunit ebe, kwape eraar Yesu ngopengol bian, lolo, ka ikar kere, apolouke ebe erai Ngesi Ngopengol? ["Amen."] Ejok.

Eipone ali eraar Nges ngopengol? Ngopengol kotoma kangoliswamae. Ngin erai abeit? [Kotemari ekodet, "Amen." -Ekewa.] Erai Ngesi Edeke ngopengol, Eketangaleon ngopengol, Eketajaran ngopengol. Erai Ngesi ngopengol, einono ediopet. Eraas ngupengun kere. Ngin erai abeit? ["Amen."] Nges ngopengol, ebuni Ngesi aswam kede ajaun koipone kangopekangol. Ngin erai abeit? ["Amen."] Kwana, idibo ejenete ngun kwape Abeit? ["Amen."]

97 Alosi kwana eong ayangaikin apak edit kane. Ajai eong edarit. Mam esubit mama ajai eong bala itunga akaisakany ngun ebwoete kanen. (Idiopet, iarei, iuni, iwongon, ikany, ikanyikape, ikanyikaarei, ikanyikauni, ikanyikaongon, itomon, itomonadiop, itomonaare, itomonauni, itomonaongon.) Mam. Ice kakesi aticepak apotu kolototo ore, sek. Abu eong kaanyu icetunga enyounete kokau kangina. Mam ace, ikokoro yenididi yeneuriana yen. Idibo ekotosi ajaikin kede na? idibo mam ejenete eong, kotoma okokoro kangon? Ikiya akonikan kuju, luejenete ebe emamei ibore ajeni eong kanuikamunitos kesi. Ikeu aka..akonikan.

Idibo kokinga kangina, eraas luitetiak, ijani ijo ebe emamei ibore ajeni eong kanuikamunitos ijo? Ikiya akanikon kuju, ebe ideka ijo. Mam ace. Idibo ekotosi aanyun okokoro loka aijanakin naka amisiinikin naka awomisio nuka itunga, tetere oni kisunyakini kasodete airikakin? [Kotemari ekodet, "Amen." -Ekewa.] yesi ikotosi...Kwana, mam ace. Apedori eong alipanakin kes, koyautu kes aitoruna ne okokoro. arai mam, epedorete kesi aiboikin kwap, alosit aiboikin kwap. Emamei etionis. Epedori Emoyo Lokalaunan amisiikin aiyeaya ngin, koipone kangopekangol. Ijo iyuunit ngun? ["Amen."]

98 Kwana, kanuka ngun arai eraas ngun koipone kangol, kanuka ngun kililingutu, ber apak edit. Ejai apak aitumor, kanuka ngin iboikin kopalarite, kanu apak naedit. Akoto eong aingit yes icebore kwana.

Apedori eong ajai aitosom acuuma nainerare namam ibusakinit. Kere aarei iswamaete? Aarei kere edupakinitai akim, mam ace, *na* da? [Kotemari onac ebe, "Eebo." -Ekewa.] Mam ace. Kwana, kililingutu, kanu apak naedit. Alosi eong aiteluor okokoro lo, kanu aanyun arai ejai imodiotunganan ajeni eong.

Ajeni eong ekesa ngol loebwoi kanen. Kwana, ajeni eong Earl. Earl, ajeni eong jo, Earl Calvin. [Kotemari Onac Earl ebe, "Mam eong ajai toma okokoro loka ailip Onac Bill, keja ngun da. Ayangaunit eong epaperokosi kangina ko Jeffersontown." -Ekewa.] Oo, eebo, eebo, etunganan loejai kuju ne. Ngol erai etunganan loamejai kede oni, kangina ko Colorado? [Mam aticepak ijo ipedori aijen sio, kisenyo sio noi."] Oo, otukui! Nabeit mam eong apedorit aijen yes. Eyuunit eong ebe abu Earl kolimokinite eong ebe ideka ijo noi, ido ibu jo. Kwana, arai mam jo ipedori aibwo adaun apak naewoj, koina icetunganan nges eicolong kangina. Arai mam konyou icetunganan koinak nges eicolong kane eyapie kanen, eraun naejok, naarai erieba etunganan. Otukui, atwania ngesi alangiru naepol noi, ido erieba ngesi noi, noi. Kwana, ojalak nges iboikin nen. Ogeu aimal Nges kanen onac.

99 Kwana, akoto eong aiteluor kwap. Kwana, abwoete Earl nepepe ka nges aibwo bon. Kwana, etunganan *lo*, loebwoi kokau kanen, koseseni eong, loebunit ko La-LaGrange, Kentucky. Mam eong ajeni

ekirorike, konye ajeni eong-eong-eong jo. Ido Onac kede iinac Kidd ngul. Ajeni eong kes. Kede amucalat na, na...Ngin erai iinac Rook? Arai...[Kotemari Onac Neville, "Inac Hardy." Kotemari inac, "Arai eong inac Taylor...?...kede Hattie."-Ekewa.] kede aberu na, nako Sellerburg, eyuunit eong, emudukana ngin. Ngin erai kwangin? Mam ace.

Awomit eong nepetai kes ngul kere, luejaas toma okokoro, lu cut ajeni eong. Oo, eebo, opaperoka lo lominat, Busty Rogers, loebunit kokwap kangina ko Milltown. Ido kwap ngina toma okokoro, awomit eong kes kere eraas luitetiak kamaka. Kwana eraas ngul kakonyen nuka Edeke, kwape ajenia eong, eraas kesi luitetiak kama ajai eong.

100 Akoto eong aanyun kangina kama ekodet. Kwana, yes luitetiak mama ajai eong, luidekasi, ikiyasi akaninikus kuju, ido ijeni ijo, kwape kijatatar ijo kede ailipa kotaukon. Ikeya akanikon kuju, kane ijai ijo kere. Luejenete eong...Mam ace. Ejok. Erai na kere, kere kanginiboisit kere.

Kwana, kwana, mam nu itipipilete yesi, kanu aidar, kanu apak naedit arai apak naewoj mot. Akoto eong aingit yes aingiset. Itelekari eong abunere kau ne, tetere yes ipedorete aiirar eong. Akoto eong aingit yes icebore. Kwana, aisiiranareta nu nualimonokini eong, yesi iyuunitos kes kwape Abeit? [Kotemari ekodet, "Amen." -Ekewa.] Nabeit, iyuunitos yesi, naarai mam ti yesi kipotu ne arai komam yes iyuunitos.

Kwana, ti tope Edeke kiswama icebore yen epone kwanat kangol komam kainakini eong amisiikin nuajai eong aswamai? Nabeit mam ti Nges kiswama kwangin, mam ti cut. Kwana, arai kiswamait Ngesi ngun...

101 Kwana, alimorit eong ebe mam Yesu Kristo ijulakina. Mam atwanareKe abu kijulak Nges; abu kitubusik Nges. Ido abu Ngesi kojaru, kapaaran nakiuniet, kodoka toma Akuj. Ido abu kijuk Emoyo Lokalaunan, Lo da arai Edeke Elopset, Nges Emoyo Lokalaunan loajai tomaKe. Yesi kere iyuunitos ngun? [Kotemari ekodet, "Amen." -Ekewa.] ido, Yesu, neajaar ne toma akwap, abu kotema ebe, "Aswamisio nueswamai, ngupengun iswamaete yesi da. Apak edit, mam bobo kaanyunete *akwapin*." Eraas ngun ainapeta nuka akwapin, ijeni ijo, ekanisa lomam iyuunit ka ngul kere. "Mam kaanyunete bobo. Konye yes kianyunete Eong." "Yes," Ngol nges Ekanisa, ikeyuunan. "Naarai eong..." "Eong" erai alimunet naitebeikinit idiopet. "Ajaun Eong nepepe ka yes, tomakus da, kiton angeset naka akwap." Ido kede Ayonanin, ejai akirot na ebe, *adaun*, apolouke ebe, "Angeset naka akwap." "Kijaun nepepe kayes kiton angeset naka akwap. Ido aswamisio Nueswamai Eong, ngupengun iswamaete yesi da." Ngin erai Abeit? ["Amen."]

102 Kwana, ijai oni kede luka Baptist, Methodist, Igeresan, kede itulikin, karaida Iyudayan, iboiete kane atupuruc na lolo. Ido kijai oni kede luka Nazarene, Pilgrim Holiness, Jehovah Witness, idiinin ngul kere luegelegela ebwoikinitai kane. Ajai eong angolengol, aseseni ngul luka Methodist, Lutheran, Pentekostols kere iponesio luegelegela, kwape angolengoleo eong kane, kanu aanyun itunga luajeni eong. Ido kes kere eraas ipejok lueponitos kokinga naka eibuga, ekanisa loka Branham Tabernacle erai ibore yenididi, kane kotoma oibuga, konye itunga anatar akwap kere kes esubunitos nges.

103 Kwana, kayangasi ber na, kasodete awomoom cut ejok, awomoom, aisia, aiyapepear, kasodete aingit aingiset na. kanuka ngun arai mam Nges etwanit, kanuka ngun epone loesesenia Ngesi ijo ka lukadekak, erai loeputo kwape kejaar bian. Kanuka ngun epone ali abu eponeKe kojaunor bian? Ebe, "Apedori eong, arai kiyuutu." Ngin erai abeit? [Kotemari ekodet, "Amen." -Ekewa.] "Arai kiyuutu."

Kotema etunganan atiar, "Ejakait, kitimoi sio." Ebala ebe, "Irumiarit okokuka ajokit. Abu eong kayau nges mama ejaas ikiyakiaKon, Konye acelanaros kesi ka ailulu, kede nginibore kere."

Kotema Ngesi atiar, "Apedori eong, arai kiyuu jo. Arai kiyuu jo, apedori eong."

104 Kwana, koany. Epone ali abu Yesu kiswama? Inyo arai Ngesi, bian? Epone ali abu Ngesi kijanakina? Kwana, elosi na mama ejai itunganan yen erai ipejonon, ajai eong einer kajo. Kaanyutu ber oni Loarai Ngesi, bian. Eyangaikini na eong nepetai idagikan iuni, kilosi oni atakun, kama ejaas aiboisio aaraei.

Ne ber ageunor aijanakinike, kejai etunganan ediopet loanyaritai Anderea, ekalokan agaria, abu kibelokin, kiyuu da Nges, kolot kosodi ayangaun onaceke, lokenyaritai Simon. Yes iitunitos ngun? Abu koyangau nges mama ejai Yesu. Kerai ngesi ekalokan agaria lomam esiasiat, mam da ber apedori aiwadik ekirorike. Kosodi ngesi abunere mama ejai Yesu. Kosodi Yesu aseseni nges, "Ekirorikon erai Simon. Irai ijo okoku loka Yona."

Idibo ejenete okokoro ngon? Apotu kesi ojenutu ebe kerai Ngol Messiah, naarai kerai Ngesi...Esumunit Edeke. Esumunit Musa ebe ne ebunia Messiah, eraun Ngesi Enabi. Ngin erai abeit? [Kotemari ekodet, "Amen." -Ekewa.] Enabi Messiah. Kongolengol Ngesi, kosodi atemar, "Ekirorikon erai Simon." Kosodi atemar, "papakon anyaritai Yona." Ido abu ngesi kojenu ebe kerai Ngol Messiah.

105 Aberu na atan, kerai ngin ateker ace naka itunga. Kwana, Iyudayan bon ka Isamarian kes apotu kijautu Nges. Imo, mam ber oni kilomunit toma, ekodet loka Rusi. Kwana, aberu na atan, na arai asamariat, abunit ngesi awokun akipi. Kotema Yesu atiar, " Ae akipi kamat." Nunyoika abu Ngesi kiswama?

Abu kinerakinos ka aberu ngin, kopone lope ti enerakinotor eong kede icetunganan kokodet kanen. Ebalabe, "Ae akipi kamat." Mam kes eriamunar sek kokau.

Ido kotema ngesi, "Kanukinyo, mam erai naibusakinit, ejai oni atiakatiaka ne." Kwape kolo kejatatar ko Ngalakimak, kanu ipaperowok luriokok kede iboro kwanat kangul, konye emamei bobo atiakatiaka ngin. Imalai Edeke, kanuka ngun. Kanuka ngun, abu Ngesi kotema... "Ejai oni atiakatiaka ne. Kanukinyo, mam erai naibusakinit kanu Ijo. Irai Ijo Eyudayat." Arai Yesu Eyudayat. Arai aberu ngin Asamariat. Ebalabe, "Mam erai naibusakinit kanu-kanu Ijo aingit eong, aberu nasamariat, ngun."

Kotema Ngesi, "Konye aberu, arai jo kojoni Loineras ka jo, ti jo kingit eong ainakin ijo akipi."

Apotu ngun kitwoboutu aberu ngin naalai. Kosodi ngesi angoleikin kuju kosodi atemar, "Kanukinyo, emamei Jo ibore yeniwokunet. Idul atan."

Kotema Ngesi, "Akipi nuainakini Eong, erai Aijar naka ikar kere."

Ido kangeset abu Ngesi kojenu ationisike. Idibo ejenete, lueraas ipejok, kejenete ibore kerai ationisike? Kejatatar ngesi kede ikiliok ikany. Kanuka ngun, nunyoika abu Ngesi aberu ngin? Abu Ngesi kotema, "Kolot konyarau okilenikon kosodi abunere ne."

Abu aberu ngin kosesen Nges. Kosodi atemar, "Emamei eong ediokiliokit."

Kotema Ngesi, "Iner jo ejok, naarai ijatatar ijo kede ikany, ido ngol loiboete kede jo kopekwana mam erai lokon."

106 Kobongok aberu kotema atiar, "Ipa, amisiik irai Jo Enabi. Kwana, kijeni sio ebe, naebunio Messiah," (Ngol Nges Yesu.) "naebunio Messiah, ebuni Ngesi alimokin isio iboro ngul, naarai kijeni sio ebe ebuni Ngesi araut Enabi. Kijeni sio ebe, naebunia Messiah, elosi Ngesi aswam nu. konye ingai bo Jo?"

Kotema Ngesi, "Ngol nges Eong."

Ido akaulo naka kangun, abu ngesi kokeria toma oibuga kotema da atiar, "Opotu koanyutu Etunganan, loalimoki eong nueswamat eong kere: mam tope lo erai Messiah?"

Arai erai ngin aanyunet naka Messiah bian, ido erai Nges ngopengol lolo, erai ibore ngipengin lolo da. Kwana yesi luiraasi ipejok iyuunitos ngun? Kwana, eraas ngun kanukus luijaas toma okokoro lo *kane*.

107 Kwana mama ejaas ngul lukokinga kangina, Naiwadikatai Obaibuli adiopet bon tetere yes ijaikinos kede icebore kanu aibwo kotoma. Idibo iyuunitos ebe erai Ngesi Esasedoti Lopeti kwana, Loepedori arieba nepepe kaoni akalanyanutuwokr? Oni kere...[Ne mam atepu ikamunitor imodiobore -Ekewa.]

Papakosi Loejai toma Akuj, Loejeni eong, Loejeni kwape kajenia eong, mam eong aanyunitor etunganan lo. Kwana epedori ngesi aticepak koanyunitor eong, arai eong aanyun nges, konye arai erai kwangin emamei ibore ajeni eong kanuikamunitos ngun. Naarai ajai lem eong anatar akwp kere elipanakini luedekasi ka iboro kwanat kangul, ido apedori acepak eong keriamuna kanges nenice, arai aanyun nges, arai kwangin, mam eong ajeni. Konye keja ngun da, emamei ibore ajeni eong yenikamunit ngesi. Erai ngin nakabeit. Ngin erai nakabeit, ipa? Kanu itunga ajenun. Iany? Mam ace. Kwana, ejai etunganan lo ebwoi kane kanu icebore. Kwana alibo ekesa ngol loerai ekamejan, Efferson, arai kere-...Mam ace. Akoto eong nges aanyun ngun. Aibo ejai ngol, aibo ejai Busty Rogers? Engol ebwoi kangina. Kwana kane, kwana Busty, ijani ijo eong. Ejakait Efeerson ijani ijo (ngin erai abeit? Efferson? Eebo.) ijani ijo eong, kimejator oni nepepe kangina ko Colorado, arai-arai eong etunganan. [Nemam atepu ikamunit imodiobore -Ekewa.]

...Ejai etunganan erieba kede ejautene loka aitapasuna. Ngin nges ationisike; naarai ijatatar ijo kede ationis na ameeit ailwat Erai ngin abeit.) Anyounun kuare, ka ngun kere. Irai jo loilomunit ko Ohio. Ido irai ijo lokokanisa ke Onac Sullivan arai mam ilosenenei ijo ailip ngina. Aseseni eong Onac Sullivan je ebwoi kane. Ibunit ijo kede Kidds; ngol nges abu jo koupunotor. Erai ngin abeit. Mam ace, kotoma apak kana ipupi ijo epone loitegelikina kwana. Adau ationis ngin ajalakin jo. Kwana, ipedori ijo alosit ore; kitangaleu jo aiyuunikon. Kwana, isirereng jo Edeke.

Kwana yesi iyuutu?

Kwana, mam eong kajeni ijo, loapolon. Esubit ereetekon bala mam itet kama ajai eong,

108 Konye kwana, kanuikamunitos aijen jo, Edeke Loejai toma Akuj ejeni ebe emamei imodiobore ejeni eong kanuikamunitos jo. Emamei ti epone loajenunia eong ationisikon. Irai bon ijo etunganan loebwoi kanen. Ido kijatatar ijo kede akaadi naka ailip, ido ejatatar akaadi ngin kede esula tomake. Ido ibu ijo... Abu esapat koinak ijo akaadi ngin, konyaraunete ijo ne toma okokoro loka ailip.

Kwana, koany epone loejaar ngin aibil jo, itei jo, irwan atipet ngin, naegogong noi, abu ngin kiswamaik eong nuipu kapak adiopet ngin, aitelekar apak kere na adau eong alimonokini kotoma atupuruc kana. Icebore ejai alomun kinga. Iany? Ejai icebore alomun kinga.

Esapat, mam jo ibunit ne kanukon. Ijai ijo ne kanu icetunganan, ido itunganan ngin erai ikoku. Ido emamei ikoku ngin kane; ejai akwap nailarongong` Kansas. Ejabatatar ngesi kariebo ace bala ikwinyikwiny. Erai ariebo ngin ikwinyikwiny, ejai amuton erapiarit ikoku.

Irai ijo arucokinet ace, araimam irai jo...Mama Stricker. Mam kereka yes kere idukokina kede ainacan, araibonat icebore yen Eipone kwa ngol? Erai ngin abeit. Ijo iyuunit? Kanuka ngun mam bobo nges ebuni ajaut kede ariebo ngin, arai iyuunit ijo kede etaukon kere. Kwape kiyuunia ijo, kojaikinos kopekwangin kama ejai ikoku. Kolot kwana, ido siri kibuonokin ngun.

Kwana yesi iyuutu kede ikusitauon kere? Yes itunga kere? Ailip kanuka icetunganan. Kilipa ido koinak Edeke ngun nuilipete.

109 Amucalat naiboie kangina, ajai ailip kanuka ija kangin, ejatatar kede adeka naka engoti; kwap ngina. Ijo iyuunit kede etaukon kere, kokau kangina, ijo iyuunit? Mam eong kajeni jo. Mam eong aanyunitor ijo kotoma aijaraka. Konye nekiiraria ijo eong alimokini etunganan ngol icebore yen awomoomoi ngesi, nuka ipajan, loabu kobu mamakon. Kwana, ijo iyuunit kede ekonitau kere?

Kwana, inyo abu aberu ngin kotiuro? Akoto eong ice kama ijaas yesi itunga alimokin eong ibore yen abu aberu ngin kotiuro. Ejai nges alwanis naka ipuutin akaisaaree ageun kama ajai eong, kanuka ngun mam nges etirorit eong, konye abu ngesi kotiuro Esasedoti Lopeti. Itei jo, Busty? Itei jo, ipa? abu ngin kotiuro Kristo. Kobuni Kristo alimokin eong nuepuda ngesi, kwana adumu ngesi nuengisit ngesi.

Aberu, mam eong ajeni aberu. Itet ngesi kama ajai eong. Ngin erai abeit? Mam oni kianyunar. Kwape kajenia eong, mam eong aanyunitor nges kotoma aijaraka, konye ejeni Edeke nges. Arai kelimoki eong Edeke yenikamunit ijo, kwape abu Ngesi kiswamaikina aberu ngin katan, apukor icebore yen ejai toma otaukon, ijo icamuni ngun, ka acamun ebe mam arai eong ngol, kwape etunganan, ejai alimokin ijo ngun, erai Edeke? Ijo ti kiyuu ngun?

(Kwana, lu eraas iyarei, araibonat idibo lu? Idaunit oni ajaikin kede iuni? Iarei? Iarei? Mam ace. Mam ace.)

Etupit amucalat etoribe loka atwanare. Ejai etoribe loemutono kujuke, ejatatar ngesi ka adeka naka engoti. Edolit ngin. Elimokinit emuron loka adekis ijo ebe erai engoti lo aokot. Erai ngin abeit, ikeu akanikon kuju. Ibunit ijo kawai naka aiboisit kana: Iowa. Ijo kiyuunit? Ijatatar ijo kede arai okokukon arai etataitikon, ido ejai ibore erono kede akonyeneke, ido ijai ijo ailip kanuke. Ijo iyuunit ebe epedori Edeke alimokin eong nuirai jo? Amucalat McKee, kanuka ngun, kobongo orekon, ido kongaleu. Etangaleu jo Yesu Kristo.

Ijo iyuunit kede etaukon kere kwana? Mam eong aanyunitor aberu ngin kotoma aijaraka. Inyo iswamai ngun?

Kanu ber apak naedit. Aiyapepeara, apak edit. Ajai eong asesen aberu nakirionon naiboie kokau kangina cut; ido aica ngin naisesenete yesi kama ejai aputo ngin, ejai ikaja kokuju naka aberu naiboiei kokau kangina.

110 Ijo iyuunit ebe arai eong enabiKe, iinac. Ijai ijo ailip kanu okilenikon loejai adoketait naka atwanare kadekis naka ajore; eraas nu ebe EBALA EJAKAIT KWANATA. Kiyuu kede kekonitau kere kwana, ebuni ngesi angaleun.

Inyo ngin abu aberu na kotiuro? Aberu ngin na kanen, aberu nakirionon, etunganan loakwangan, bala aberu ya katan. Inyo abu ngesi kotiuro? Yesu ngopengol. Mam nges erai aberu ngipengin, arai aberu nakirionon, arai aberu Nasamariat; erai ngesi aberu ace. Mam eong arai Yesu, etunganan kwape kangol; arai eong ecetunganan. Konye erai aberu na naiyuunit Yesu Kristo, kwape kejaar aberu ya da; ido arai eong da ekeyuunan, ido ekejanakinaniKe, ido Emoyo ngopengol iswamai kotoma apaaran kana. Mam Kristo etwanit, ejari Ngesi. Mam eong aanyunitor nges arai aijene aberu na kotoma aijaraka. Kwana, itei jo, mam eyangaikini ijo ajaut kede akaadi naka ailip kanu ajaun ne. Kyuu aiyuun Edeke bon. Mam tope ngin erai nakabeit?

Kwana, ajeni eong aberu ngin, konye ajeni eong nuilipi ngesi: acenike ngin. Ijo iyuunit ngun (kwap ngalakimak), arai kiyuunit kede ekonitau kere, elosi apese ngin angaleun.

Idobo do jo? Mam oni ijenanara. Irai ijo esapat loiyapakina. Mam eong aanyunitor ijo kotoma aijaraka. Ijo iyuunit ebe epedori Edeke alimokin eong ationisikon? Arai kelimoki Ngesi eong, ngin elosi aingarakin jo? Nakabeit.

Kwana, inyikokisi aiyuunite kokinga kangina. Iany?

Ationis ejai omorosingikon. Ibu jo kodum akangas naka emotoka. Ibunit ijo kokuju agolitomei. Ijai ijo nepetai Bedford, Indiana. Erai ngin abeit. Ngin erai abeit? Kanuka ngun ijo iyuunit ebe engaleuni emorosingikon? Kwape kiyuunitor ijo, kanukangun kojaunos kwangin mama ijai jo. Kobongo ore ido koinak

Edeke aiturio. Kongaleu.

Biai bo jo ipa? Ijo iyuunit ebe epedori Edeke apukokin eong ationisikon? Ijaatar jo kationis naitapasi; abu koinak ijo ajaikin kede ationis naka amoeten. Irai jo loko California. Erai ngin abeit. Ijo iyuunit Edeke ngol loejeni ijo? Ejakait Murray? Mam ace, adaun kwana. Kobongo orekon; iyuu Nges kede etaukon kere.

Ido mam oni ijenanara lem? Mam eong kajeni ijo, ido Edeke...Mam eong kajeni ijo, ido mam jo kijeni eong. Mam oni kijenanara, ngin erai abeit? Arai kepukoki Edeke eong icebore yenikamunit ijo, ijo ibuni aiyuun eong kwape Enabi loka Edeke?

Yesi kere iyuunete? Eong...Ejai aitononok eong cut kwana, koany. kiyuutu kopekwana. Ajai eong...Ejai ainyonyoikinio ne. Ijenete yesi ngun, mam tope? Ijenete yesi ebe ejai-ejai ainyonyoikinio ne, koany. Ejai Emoyo Lokalaunan ne kopekwana, arai kipedorete...Ajai kwana eong anonokar, mam bobo eong apedori asesen yes luijaas kinga ngina. Iany? Arai ber itononoki ejautene ediofet Yesu, nunyoika bodo iswamaete ijautenesio ikanykaarei, ikanykauni, itomon luijaikinor oni kane, kama ejai ekodet? Ikany, ikanyikape, arai ikanyikaarei kangina kolutari, kede iuni, iwongon, arai ikany, kokinga kangina. Iany? ebwaiki eong toma adoketait na mam eong apedoritor asesen bobo. Esubit bala atukos na kere ejai akwangun bala akile. Korai bon yes kopedorete amisiikin aidikes naka Emoyo Lokalaunan elomuni toma. Ngin nges Aica ngin,kanen, irukumit aduketait na. Koany, ejai Ngesi ayangaun yes toma atiakunet, toma aiboisit.

Kwana, kwape ejaar aberu na ebwoi kane, mama ijaas yesi luijaasi toma okokoro loka ailip kwana: arai kepuko Edeke (Kane ekiyarit eong akaninika kuju, mam eong aanyunitor aberu na, emamei ibore ajeni eong kanuikamunitos nges.), arai kepuko Edeke cut, aisidedeleun nuiswamat aberu na, arai nuerai ngesi, araibo nat, icebore yenikamunit nges, yesi kere iyuunete, kanuka ngun, erai Edeke nges Ngol iswamai ngun? Ijo ibuni aiyuun ngun? Ijo ipedori-ijo ipedori acamun? Ijo ibuni aiyuun ebe ilosi kwana ijo aijar? Ipedori ijo-ipedori ijo...Eebo, ajeni eong ationisikon, nakon mam erai naengopit. Itei jo? Epukonori Edeke iboro ngun, konye bon arai kiyuu jo.

Kwana, abuni eong aidokonokin yes akanin, naarai ajai eong anonokar noi noi. Ido ajeni eong kotoma apak naedit, eebo, mam bobo eong-eong apedori asesen, koany.

Kwana, kiyuu ngun ketaukon kere. Kwana kiitu, mere eong. Idiotunganan kere ejeni ngun. Erai Emoyo Lokalaunan. Uh-huh. Kwana, karai jo kopedori aikamun emoyo loka aberu kangin. Ibore ngipengin yen abu Yesu kiswama. Aitam aikamun emoyoke, abu Ngesi kotema atiar, "Ae akipi kamat."

Ejai ekiliokit ne ka aberu, kwape kejaatar kangina. Kwana, irai ijo apese, naidit noi adepar eong. Kwana, aticepak aberu ya da arai nakedit adepar Yesu. Kerai Yesu Lokikar akaisauni ka iuni; ido aticepak kerai aberu ngin naka ikar itomonakanyikauni, arai akaisaarei, apese. Ido mam aberu-aberu-aberu na ajeni nulimuna ne enerakinor Yesu ka nges kotema Yesu atiar, "Ae akipi kamat."

Kwana ejukarit Nges Papa kiton Samaria. Kejai Ngesi toma orotoKe abear Yerico, konye abu Ngesi kolot Samaria; kerai nen kuju orongat. Kanukinyo abu Ngesi kiswama ngun? Ebalala Ngesi ebe ajai Nges alosit ngina. Ejukarit Nges Papa ngina. Eebo, abu Ngesi kobu kosodi aiboikin kwap, kosodi aijukar ikiyakia oibuga kanu amoun ibore yeninyaman. Kosodi aberu naetemelel na abunere awokun akipi, ido iburai Papa kotemarite ebe, "Ajai Eong anyarat ngin."

Abu Ngesi kotema, "Aberu ae akipi kamat." Kosodi einer ageun kanen. Kwana, ibore ngipengin ejai ne.

Ijo ibu kibwaikinite akanikon okootika? Idiopet kayesi? Mam ipa. Edeke Lokakuj ejeni ebe etirorit eong icebore, ne...Awomit eong ebe arai Billy nges ejai alimokin eong anyoun. Iany. Eong-eong-akaninika, ejeni Edeke ebe erai ngin abeit. Abu icebore kotiuro eong kwangin ido awomit eong ebe kerai Billy ngon ejai alimokin eong, "Ogeu alosit." Iany, najaikinor eong koipone kalo, mam jo ijenuni, etionikini ijo ajenun esawa loebeitor apalar, arai nuebeit aswam. Itei jo. Ijai do ijo nepetai awai naka akuanakon. Nunyoika ajai eong einer? Aberu naka atan.

Kosodi konyet akaulo na ajenunia Ngesi ationisike, kotema Ngesi atiar, "Kolot onyarau okilenikon."

Kotema aberu atiar, "Emamei eong ekiliokit." Kosodi Ngesi alimokin aberu ngin, ebalala ebe ajatatar ngesi kede ikany.

Kosodi aberu atemar, "Amisiik ebe irai Jo Enabi. Ajeni eong naebunio Messiah, ebuni Ngesi alimonokin sio iboro lu."

Kwana, Ngol erai Ngesi Messiah ngopengol lolo, arai apedori eong alimokin ijo icebore, icebore yen erono? Arai mam Edeke ingarakini ijo, ilosi ijo atwanare. Ijatatar ijo kede adeka naka engoti. Kwana, ijo iyuunit ebe epedori Edeke alimokin eong neejai engoti ngol? Ejai toma auris. Ijo iyuunit ebe ejeni Edeke ijo? Ijo iyuunit ebe ejeni Edeke neibunitor ijo? Ilomunit ijo ko Illinois. Ekirorikon erai Johnson. Kobongo ido kojar. Etangaleu Yesu Kristo jo. Ijo iyuunit kekonitau kere? Kojar ngin...?... Ejai apeleikinet naabu eong kalimokina ijo aijar.

Papa Lokokuju, Kokiror loka Yesu Kristo, edokokini eong akaninika mama ejai aberu na kwana; ejai ainyonyoikinio naka Emoyo Lokalaunan ne. Kitangaleu nges, Ejakait, Kokiror Loka Yesu Kristo, Yesu.

Wu Edeke, mama ejai onacekosi lominat loibu Jo kideu ajarake kokau kangina kolap lokikanyetekauni, O Edeke Loitimono, kobia mamake kwana, kwape ejaar Emoyo Lokalaunan ainyonyoikin itauonokosi. Ajeni eong aitemio naka onacekosi. Itangaleu nges, Ejakait, kosodi aitangaleun nges...?...

Ijatatar ijo kede asurokinio naka etau, ijatatar ijo kede adeka naka esukali; ajeni eong ebe itorit ijo toma ocan, karaida, erai ngin...?...

Papakosi Loejai toma Akuj, erai etunganan lo...?...iburai nges adumun Jo arai mam atwanare. Eminakinit nges alosenen adekis...?...kitim adikanaretake kosodi aitangaleun akuanake Kokiror Loka Yesu Kristo kojat ngesi. Kolot ore, kolot.

Mam ace, kane, yes kere, koyangasi onace lo ore.

Edeke Lominat, Kokiror Loka Yesu Kristo, akakanin idokokinitai mama ejai aberu na kwape eyapeor ainyonyoikinio naka Emoyo Lokalaunan. komisiikisi itunga ainyonyoikinio ngin. Kitangaleunai aberu na.

Papa Edeke, kwape edokokinitor eong akanin (akaninika, akuanaka namam ibusakinit, naemunauna, naerono ido kodiakanari; konye ejai Emoyo Lokalaunan mama ajai eong kopekwana), apedor ngin naepedor amisiinikin aomisio nuka etau ka alangiruke, kitangaleu akuanake, Kokiror loka Yesu.

Okwe Edeke, kwape ajenia eong onaceka kede ejauteneke, kwape ajenia eong aitolitolio naka einer na...[Nemam atepu ikamunitor imodiobore -Ekewa.]

Wu Edeke, kanu esapat kalo, loejio ejie lokajokan loka aiyuun, ebwoi kakonyen nuka Yawe-Yire, asubanit na einakinit Ejakait, kotiitiro nges kwana apedor ngin naetajaruni Yesu kokatwak. Kijaik nges eipud lokotauke, Kokiror loka Yesu Kristo. Amen.

Ejakait Yesu, edokokinit eong akakanin mama ejai iinacika. Kokiror loka Yesu Kristo, kongaleutu akonyen ngun. Kolemar aitipililo ke kotoma akuanake, Kokiror loka Yesu Kristo. Amen.

Papakosi lotoma Akuj, kanuka iinacika Kidd, elipi eong ebe ibuni Ijo aipikor kotomake, ido koinak nges Agogong kotoma amojonguke kwape ibu Jo koinakina Naomi. Ejakait, itosomai nges kwapekwangin kanuka AibusesuKon. Koinak ngun, Kokiror Loka Yesu Kristo.

Kosodi mama ejai Onac Kidd, Ejakait, ebe abu atwanare kinom nges konye abu ajar kinyaku nges. Edeke, elipi eong ebe idari ijo nges kogogong adau ngesi adepar apakike naetemokinitai kanuke. Konye Ijo nges irai Edeke, ido ilosi ijo aswam nu kanuka AibusesuKon kwape kisumunitor ijo eong adekis. Kwana, kijaik nges Agogong kanu ajenanut. Kolimor ajenanutuke anatar akwap nako Ohio, anatar akwap kere. ... [Nemam atepu ikamunitor imodiobore -Ekewa.]

Ebe etangaleu Yesu eong kwana.

Alosi eong ayangar Nges kwape ebalar AkirotoKe...



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7